

Ex Libris



PROFESSOR J. S. WILL




Library
of the
University of Toronto



















H A R A N G V E F V N E B R E

D E H E N R Y L E
G R A N D Q V A T R I E S M E D E

cenom, tres-inuincible & incomparable

R o y, de France & de Nauarre,
d'eternelle memoire.

P A R M^{re}. A N D R E' V A L L A D I E R,
Docteur en Theologie, Protonotaire Apostolique, Conseiller
Aumosnier, & predicateur ordinaire du Roy, & Vicaire
General de Monseigneur l'Illustrissime Cardinal de Guiry
en l'Euesché de Mets.

Prononcee en la grande Eglise Cathedrale de Mets, le 21.
Iour de Iuin durant l'office funebre, & depuis.

D E D I E E A L A R O Y N E.

Dixi quia Dñs esis, & filij exselsi omnes. Psalm. 81.



A P A R I S,

EN LA BOVTIQUE DE NIVELLE.

Chez SEBASTIEN CRAMOISY, rue saint
Iacques aux cicognes.

M D C X





A LA ROYNE



A D A M E,

Tout le present que
jeant faire vn pauvre
homme autresfois au
grand Roy des Per-
sans parmy les offres, & liberalitez de
tout vn Royaume enuers la Maiesté,
fut de luy presenter vn peu d'eau en
sa main, peu de chose en effect, mais
tesmoignage d'une riche volonté. Ce
Prince genereux qui estimoit au vray
pris, toutes choses, & qui pesoit le
presant à l'amour, & à l'affection,
print cest essay à gré, & fit garder cest
eau dedans vn vase d'or la prescrant
par son iugement Royal à toutes les

EPISTRE.

gazes Persannes de ses autres suieſts. Tout ce puissant Royaume de la fleur de Lis, le plus grãd de la terre, s'est concerté, & vny à apporter quelque allègement a la grande affliction dont vostre Maieſté n'aguereſ à esté extraordinairement attaquée : les vns luy faisans offre de leur vies, les autres de leur valeur, d'aucuns de leur conseil, qui de leur industrie : l'Ecclesiastique de ses vœux : la Noblesse de son support ; la Iustice de son ayde, le peuple de ses volontez, & tout le Royaume en corps sans reserve d'une miraculeuse concorde, au deuoir de vostre seruiſe. Le Ciel y a distillé ses plus rares influences, vous ayant regardé de son œil de merueille, pour faire sous vos merites en un iour ce qu'on n'eusse osé humainement esperer par plusieurs années, & de plusieurs armées : La terre y a secondé ses uniques desseins, de voir vnus vn infiny de cœurs d'un

grand monde François, comme au
centre commun de l'infinie passion qui
leur domine encore, & leur dominera
en toute l'éternité, seules bornes de ce-
ste couronne, au souvenir du Roy de-
funct d'éternelle memoire, l'amour de
tous les siècles auenir, le miracle de
ce sceptre, la gloire du nom, & du
sang François, balançant tous les des-
seins du Royaume au poids, & a la
mesure, de ses dernieres & posthumes
volontez. C'a esté vostre Iris, & la
seconde Alcion de vos diuines cou-
ches, qui à calmé ceste mer, & borné
le deluge menassant de nos maux: Iris
arre du Ciel, fille de la merueille, la-
quelle aboutissant sur les espines blan-
ches de nostre fleur de Lis, les auez ren-
dues odorantes en un petit moment à
toutes les nations estrangeres, pretieu-
ses à la tige Royale, aymables à toute
vne grande posterité des Roys, qui
doiuent prouigner de la diuine seve de

EPISTRE.

Vos merueilles. Louange à ce grand
 Dieu, qui vous à tiree des plus parfai-
 res & plus douces idees de son infinie
 prouidence pour paroistre en ces iours,
 capable en vne nuit, & iugee digne
 en l'eternité de faire refleurir la fleur
 de Lis, & contenir vn peuple presque
 infiny par force de vertu, & de pru-
 dence, que vostre seul incomparable
 mary auoit peu subinguer par ses ar-
 mes inuincibles : moy l'atome du mon-
 de, le moindre de vos tres-humbles
 seruiteurs, mais qui les deuance tous
 en obligation, & en deuoir enuers vo-
 stre Maiesté, parmy tant de deuoir
 de tout son grand Royaume, n'ay peu
 rien finer de toutes les puissances de
 mon corps, & de mon ame, que i'aye
 iugé estre sortable à mes affections, que
 mes l'armes, recueillies en ce petit ou-
 urage de ma main, que ie presente à
 vostre sacree Maiesté au defaut du
 plus grand pouuoir, pour arre neant-

moings de tout l'estre qui peut subsister
en moy iusqu'à la mort. Rien plus ne
merefte il desormais pour tout soulas,
& pour tout heritage apres auoir
perdu mon bon maistre, mon Prince,
& mon Roy à qui ie subsistois, & pour
qui apres Dieu, ie voulois estre tenu
de viure en ce bas monde, que d'estre
reçeu à mes iustes doleances, & d'e-
stre creu n'auoir rien de plus cher en
tout mon petit estre, que de pouuoir
pour ma part pleurer le reste de ma vie
la perte de celuy que tous les siecles à
venir pleureront. C'est ce qui me fist
resoudre ces iours passez de me seque-
strer à l'escart de toutes mes autres
pensées, pour pleurer à loisir, & tout
à l'ayse & faire participants les au-
tres de mes tristes pensées: le Tigre
est à naistre en c'este France qui n'a
sacrifié ses larmes au defunct: &
moy en ceste foule me contente en
ma conscience de ne trouuer autre

EPISTRE.

allegement de mon mal que mes lar-
 mes, & l'amertume irremediable de
 mon cœur. Ce fut Lundy passé vingt,
 & uniesme du mois de Iuin, iour
 de la grande celebrité funebre qu'en
 l'Eglise Cathedrale de c'este vostre vil-
 le de Mets plus de deux heures du-
 rant ie versay à tout ce grand audi-
 toire plus de l'armes que de mots : ou
 certes nous auons veu des tesmoigna-
 ges celestes du zele de ce peuple, tant au
 seruice de vostre Maiesté qu'à la dou-
 ce memoire de leur Prince. Ceux de la
 religion pretendue y accoururent ex-
 traordinairement de l'un & de l'au-
 tre sexe, & seconderent les voix, les
 vœux, les pleurs de vos meilleurs su-
 jets les pauvres Catholiques remplis
 d'effroy, & d'horreur, & ne se pou-
 uans apaiser ny consoler en leur in-
 fortune. A l'entree de ma harangue
 soudain que l'on ouit retentir sous ces
 grandes voûtes le nom de vostre
 Maiesté

*Maieſté, & de la pauvre veufue, ie
vis fondre en un instant tout mon
auditoire en pleurs; ſpectacle non ia-
mais plus viſité à mes yeux, & qui
me paſſionna tres-cruellement l'ame.
Mais ce fut à la catastrophe, & au
narré ſuccinct de ceſte lamentable tra-
gedie que redoublant tout ce grand
peuple les ſanglots, & les ioignant aux
larmes, il me ſembloit de voir deuant
mes yeux les exeques funebres du genre
humain comme d'une famille deſolée,
toutes arres du cœur de ceſte ville fron-
tiere, bien que des plus meſlees, & des
plus eſloignées du cœur, & du paral-
lele de la France, enuers voſtre Ma-
ieſté, & au ſervice du Roy. C'eſt le
preſent que ie luy fais, le peu d'eau de
mes yeux, & de ſon bon peuple, la ſu-
pliant de ne la deſdaigner, ains de la
priſer à l'eſtime du cœur, & de la vo-
lonté infinie, & la conſerver en la pre-
tieuſe memoire ou vous tenez vos*

EPISTRE.

*tref-assurez, tref inuiolables, & tref-
affidez seruiteurs, ne desirant plus
grand heur en ce monde apres la gloire
& le seruice de Dieu, ny à ma vie,
ny à ma plume, que de les voir de-
diees, & consacrees à vos absolues, &
Royalles volontez, comme celuy qui
vent viure, & mourir.*

MADAME,

De vostre Maiesté.

Tref-humble tref-fidelle tref-
obligé tref-obeissant, & tref-
indigne seruiteur, & sujet.
VALLADIER.



H A R A N G V E

F V N E B R E

D E H E N R Y L E G R A N D

Q V A T R I E S M E D E C E N O M ,

tres-inuincible & incomparable R o y

de France, & de Nauarre.



B S T V L I T omnes magnificos meos Dominus de medio mei: vocauit aduersum me tempus vt contereret electos meos: idcirco ego plorans , & oculus meus deducens aquas , quia longè factus est à me consolator. Hierem. lament. 1 .

L E Seigneur , à osté du millieu de moy mes hommes illustres : il à prins temps contre moy pour briser mes Princes d'elite: & c'est pourquoy me voicy pleurant , & iettant de mes yeux abondance de l'armes : pour ce que celuy qui me souloit consoler, est esloigné de moy.

ô fatale! ô cruelle! ô inexorable mort!

que perir a ce coup puisse le iour de ta naissance de la memoire des viuans : que le monstre qui t'auorta au iardin d'Eden soit à tousiours detesté de la nature humaine: que finir puisse a iamais ton furial empire borné en l'eternité des horreurs de l'enfer. Carnaciere Parque! si ta tiranie est meshuy si intolerable, tó courroux si inhumain, tes vengeancees si implacables, ton sort si ineuitable , tes secousses si soudaines, tes trahisons si couuertes, tes rages si irremediabables, tes maux si inexpiables, tes precipices si effroyables; que ne descharges tu le venin de tes adustes fureurs sur vn tas de fayneás canailles du monde, fantausmes de vie, cas fortuits de nature, excrements de cest air, inutiles à tout. (ie ne dis pas au public) pernicieux, à l'estat, iniurieux , au genre humain, odieux a ce Soleil, insupportables, à la Terre : qui dementent leur estre , infamment nostre race, & ne seruent non plus au monde sublunaire que les atomes en l'air ? combien plus excusables seroient tes effortz, & ta meurtriere faux plus iustement employee sur leurs testes diffidees, laissant viure en vne profonde paix ces ames genereuses & diuines i'a presque

logees en l'horison de l'immortalité, gouuernans les Peuples, soulageans les Prouinces, soubstenans les Royaux, moderans ce bas Monde, & tenans le premier rang en la belle Nature, viues images de DIEV, les delices des hommes, les chefz. d'œuvres extraordinaires de la vertu; *Quomodo obscuratum est aurum! mu-* Lamen.
tatus est color optimus! filij Sion inclyti, &
amicti auro primo, quomodo reputati sunt in
vasa testea opus manuum figuli? Helas com-
me est ce que nostre or s'est obscurcy, & no-
stre beau teinct terny! & d'ou est venu que
les plus vaillans, & les plus illustres de Sion
reuestus, & parez. de fin or, sont brisez comme
pots de terre faictz de la main du potier? Et
vous attēdiez pauvre peuple de receuoir
de moy quelques consolation sur le fu-
neste trespas du plus puissant, du plus
victorieux du plus florissant, & du plus
clement Monarque de la Terre, HENRY,
LE GRAND mon bon maistre, vostre bon
Pere, nostre bon Roy? Retenez ie vous
prie les l'armes, Ie vous confesse la ten-
dresse de mon cœur, i'ay plus de besoin
en ceste harangue funebre, de conso-
lateur, que vous en ceste tristesse publi-
que, d'orateur & ne me ressents le coura-

ge d'en trouuer l'issue, si par la force, & constance de vostre esprit vous ne moderez l'estrange detresse qui paroist en vos yeux, m'attendrissant, & me passionnant cruellement l'ame. Regardez moy de pitié, & considerez que desja a l'abord les souspirs ont deuancé les periodes; si que m'estant aduancé de venir en ce lieu vous apporter qu'elque allègement, moy premier de tous nauré de mesurement me trouue des l'entree plongé en mes funestes pensees, oppressé de mes horribles regretz, le poulmon halettant, l'action languissante, la voix defaillante, le respir chancelant, tout le sens emoussé, la raison esgaree, tesmoingtz des lamentables estreintes qui me pressent le cœur, & me font a ce iour vous dresser des pleintiues elegies, pour des panegyriques, des pointes, & des trachees desordonnees pour vn discours bien tissu & artistemētageacé, si la douleur trop cuisāte m'offusque l'actiō, & le triage des mots, si la perte commune, & irreparable affliction me trouble la contenāce; excuses pour Dieu les impatiences de mon ame, ne se pouuant maintenant attendre autre chose de moy, *Cuius visceribus*

emollitis fracta in lachrimas verba defudant.
 Moy de qui les entrailles oultrées, les parolles
 interrompues ne distillent, & ne degoustent
 que l'armes, disoit S. Hierosme a moin-
 dre occasion. Mon cœur n'est plus qu'un
 Euripe d'angoisses, & mes yeux un flux,
 & reflux de pleurs, ma bouche un tour-
 billon, & vne bourrasque de souspirs ne
 rencontrant de quelque part que ie
 tourne que spectacles de mort. Tout est
 icy infiniment l'amentable, l'amertume
 inexplicable de la famille Royale, suy-
 uie du ressentiment, non iamais ouy
 de tout le Royaume; la valeur inestima-
 ble, & hors de tout pris de ce qu'auons
 tous perdu, les estranges accidants, &
 extraordinaires circonstances de ce de-
 sastre le plus grand qui se passa iamais en
 ce grand Theatre de l'Europe.

*Propositiō
 du dis-
 cours.*

LA ROYNE, se meurt abismee de
 tristesse faisant retentir les voultres du
 Louure à l'Echo pitoiable de ses
 Royales clameurs, le serein de ce-
 ste parfaite beauté s'esclipse à la Fran-
 ce, & ne represente plus rien à mes
 yeux que la plus affligee Princesse de la
 Chrestienté, puis qu'elle seule a plus perdu
 que toutes les Princeses du monde ne

*I Descri-
 ption de
 la famil-
 le Royal-
 le, & des
 regretz
 du Roy-
 aume.*

perdirent , & ne perdront iamais. Son cœur est loing d'elle puis qu'elle ne viuoit que de luy, & par luy , & vous voulez que ie parle sans pleurer a u souuenir de cest obiect capable d'amollir les lions, & les tygres, de rompre les rochers , & de briser les Caucaſes infensibles? D'autre part son DAVEIN, maintenāt nostre Roy, pendant au sein de sa Mere exploree, he-las! c'est Isaac le pris , & le prin-temps de la France, l'esperoir , & l'arc en ciel du Royaume, les amours de la Chrestienté, saisi d'estonnement, & de pisme , effrayé de ce changement soudain, baigne le sein de la ROYNE de ses tendres regretz : & luy(enuoyé du ciel pour l'vnique allegement du gère humain) gemit desja soubz le faix du plus pesant fardeau , & du plus puissant Royaume du monde, & contristela nature affligee , qui se pleinct , & gemit en considerant cest enfant Royal priué du meilleur , & du plus grand pere qui fust onques, & si tost &, d'vne façon si deplorable , & sans autre remede , ou defense contre son mal que des sospirs , & des larmes les tendres rosees de son si bas aage. Quoy Monsieur? quoy Monseigneur le Duc, les

les deux iumeaux de nostre Zodiaque,
les deux retenuës de nostre flotante,
& branlante Delos ? quoy mes Dames
de France, les trois Graces, & agrea-
bles Carites de ceste Monarchie, à qui ne
bondiroit, & ne fendrait le cœur de les
voir antidater le dueil de la misere hu-
maine, & charger les liurees de la mort
auant que d'auoir presque gousté la vie ?
Larmoier au giron de la pauvre veufue
leur Mere, constriker la Majesté, & la
Royauté presque en leur berceau ? de-
mender ou est leur pere, & qu'est deuenu
le Roy, & se veoir sans Pere, & sans Roy,
auant que d'auoir bien sçeu que c'estoit
que le R o y, & qu'un tel Pere ? Quel par-
dale inhumain, ou qu'elle ourse des boix,
ne s'attendriroit de voir tout d'un coup
sept grands spectacles de mort, battans,
& rebattans le ciel de leurs sanglots ? sept
planettes ecclipsées en nostre hemi-
sphere, ombragees de mort, voylees
d'horreur, perdues de tenebres ? la ROY-
NE martyrisée, le R o y affligé, les Prin-
ces orfelins, mes Dames desolees, la
fleur de Lis fanée, la Majesté troublee ?
Quoy tout ce grand Louure reuestu de
malheur, tapissé de chagrein, lambrissé

de tristesse? ces galeries, ces porches, ces grandes sales dorees defigurees de deuil? ces tuilleries, ces belles allees, ces agreables parterres estonnez, & flettris d'un hyuer au milieu du prin-temps? Quoy la cité Royale profondement attristee, en son ecstase publique, d'un desespoir commun, esbranlee de ceste inesperee secousse, & inopiné terre-tremble, eschouee dessus dessous, grossissant le coulant de sa Seine, & de sa Marne du torrent de ses larmes? Quoy ceste belle, & genereuse Noblesse se lamentant aux pieds de la R O Y N E pasmee, chargeant le noir, & l'effray, se raillant au tombeau de son Prince, soulageant de pitié ceste admirable veufue de l'offre de leurs vies, de l'assistance de leur conseil, de la force de leurs armes? Quoy ce grand corps de Iustice, parterre des fleur de Lis, Anges tutelaires de la Royauté fondant tout en larmes a l'aspect de sa Princeesse voylee, & arroufant pitoyablement les fleurs delis de l'amertume, & de l'eau de ses yeux? Quoy tout le Royaume estonné iusqu'à l'ecstase? Tous les estats desperdus, les villes angoissees, les prouinces allarmees? toute la Chre-

stienté effrayee, l'estranger tout esmeu,
 les sujetz, tous hors d'eux mesme? Tou-
 tes agonies de mort, qui m'abbattent, &
 me renuersent l'esprit? estant vray que la
 France ne larmoya iamais si vniuerselle-
 ment, & ne porta plus inpatiemment la
 perte de son Roy, que de cestuy-cy. l'en
 seray aduoüé de toutes les prouinces que
 nous auons veu toutes estourdies à ce
 grand coup de mer, sans se pouuoir ra-
 uoir iusques à maintenant, & pouuoir
 admettre consolation aucune: Et vous
 voulez que moy seul monstre, & prodige
 de ma Nation, ie vous parle les yeux secs,
 & vous dissimule la passion extreme, qui
 m'estreinct la poictrine? Doncques per-
 mettes moy de me pleindre à mon ayse,
 & me contenter en mes funebres pensees
 avec vn grand Sainct, qui n'auoit perdu
 qu'vn sien frere, la ou i'ay faict perte,
 d'vn Maistre sans pair, d'vn Pere sans
 exemple, d'vn Roy, sans son semblable.

*Exite lachrymæ iam pridem cupientes. Exite, quia is qui vobis meatum obstruxerat, com-
 meauit: aperiantur Cataractæ miseri capitis, & erumpant fontes aquarum si forte sufficiant
 sordes diluere culparum, quibus iram merui-*

S. Ber-
 nard de
 Gerard s^r
 frere ser.
 26. des
 cant.

mus. Sortez larmes sortez, comme long temps

*y à vous l'avez désiré. Car celui qui vous re-
tenoit s'en est allé: que les catadoupes, & ca-
taractes de mon pauvre chef se desbondent, &
que les vives sources de larmes en ialissent,
pour voir si du moins ie pourray expier une
partie des coulpes qui nous ont aduancé la ven-
geance diuine. Le paraclet de la France, la
ioye de l'vniuers, le support de l'Eglise,
le Pere de la paix, le fondateur du repos,
l'auteur de nostre assurance nous a esté
violemment rauy d'entre les bras, & l'on
demande quelque fin, & quelque mesu-
re à mes doleances? Lors de la nouuelle
defastree du prodigieux attentat com-
mis en la personne sacré-saincte du Roy,
& de l'oinct du Seigneur, en ceste fron-
tiere bonne ville de Mets on voyoit les
humains tant de la vraye, que de la nou-
uelle religion indifferemment, comme
rauis hors d'eux mesme, se regardans sans
mot dire les vns les autres, la pluspart la
Parme à l'œil, les yeux & les mains au
Ciel, si outrez, & assoupis du mal'heur
comme si chacun eusse conduit son Pere
au tombeau, avec autant de ressentiment
general comme iadis à Rome, au pre-
mier bruiet de la Iournee de Cannes, ou
tout le peuple Romain se vist chargé de*

duel, & d'espouuante pour le grand massacre des citoyens, qui y auoit esté fait. Autant en auons nous ouy, & plus du depuis des villes du Royaume, voire des bourguades, des villages, & cahuettes champestres ou le villageois en corps horriblement exploré pleuroit, & pleure encore le Pere de sa paix, & ce d'autant plus que chacun de plus près auoit iouy de ses agreables influences. Appellant à tesmoin tous ceux qui eurent iamais l'honneur d'aborder ceste clemence diuine entre les hommes, leur estre impossible de se pouuoir consoler au moindre souuenir de sa bonté, & douceur, si attrayant, si affable, si amoureux il estoit en son parler, & en tout son abbord si admirablement accostable. Pour mon regard qui ay eu cest heur du Ciel de l'auoir approché quelques fois de bien pres, ie confesse que l'accès de ma douleur ne se passera qu'avec ma vie, qui m'a faict resoudre, de pleurer mort, & vif avecques vous, & avec la posterité, en mes cayers, & de viue voix en toute l'eternité.

MAIS puis qu'insensiblement nous sômes tombez sur les perfections, qui rendent cest obiect infiniment lamentable, &

II. Les
merites
Gloriages
incomparables du
feu Roy.

que pour deüiement estimer nostre infortune , & les iustes moyens de nos plaintes , il faut recognoistre le fonds de nostre perte, ie me sens obligé d'entreffer vn tableau reduict au petit pied de mon insuffisance. Temerité trop grande à moy veul l'incapacité, mais excusable à ma passion autant raisonnable que desmesurée, surpassant en mon dessein, & en ma volonté tout ce que ie puis apporter en effect d'ornement à l'honneur de mon Roy defunct d'estonnement à ses merites, de trophées à sa gloire, de soupirs à sa memoire, de larmes à son tombeau, de periodes à ses faicts: ne faisant que glaner par mon incapacité apres tant d'autres beaux & desliez esprits nourrissons de nostre France, qui auront desia faict paroistre sur ceste diuine hypothese les aduantages heureux d'une seconde eloquence, & enterré nostre Cesar non deffous la poudre d'or comme celuy de Rome, ains avec les essais inimitables de leurs harangues, & langues dorees. En quoy il me feroit mal seant de mendier les excuses puis qu'à ceste rencontre les muets mesme doibuent estre eloquents, si tant est

que iadis la nature par vn effort exem- *Herodote*
 plaire, donna la parolle au filz de Crœsus *Ὠρίωνος υἱ*
 qui estoit né muet lors que voyant son *Κροίσου*
 Pere assassiné par vn meurtrier ; deliant *κτείνοντος.*
 les muscles , & tous les obstacles de sa
 langue muette ; il luy cria de ne toucher
 à son Pere. Si ne m'assubiectionneray-je aux
 loix ordinaires de mon ancienne profes-
 sion de passer d'aage en aage les vertus
 du defunct. Bon , ou les actions sont
 comptees , mais en l'infyny de celles de
 HENRY LE GRAND ce seroit vou-
 loir sonder en haute mer , & mesurer au *μετρεῖν ἐν*
 compas l'immensité. J'aggee d'avan- *ἀπὸ τοῦ ὕψους*
 tage les hautes pēsees de Pindare le Poë- *μετρεῖν.*
 te , & fais cas de ses heroïques desseins
 de faire triage des tendrons seulement,
 & des haultes extremitez, de tant de faits
 Heroïques qui m'esblouyroient de leur
 confusion & me rendroient disetteux de
 leur grande abondance. Aussi ne doit
 on rien apporter de commun ; voire s'il
 se pouuoit autrement rien d'humain en
 parlant de HENRY LE GRAND Mo-
 narque, qui à d'autant deuancé tous les
 autres Monarques de la terre, que la
 Royauté surpasse le vulgaire des hōmes.
 Et pleust à ce grand Dieu que ma voix

peut retentir de l'Orient, à l'Occident, du Nord au Sud, voire de ce bas centre de la terre iusques à la plus haute circonférence du Ciel cristallin, ie prendrois tous les esprits bien-heureux, & tous les humains pour garants que ce que i'ay a dire est autant esloigné de flaterie cōme mon naturel la deteste, l'abhorre, & la persecute, n'apportant en ce lieu de maiesté & sainteté Chrestienne que veritez d'un Prince Tres-chrestien dōt les Anges, les hommes, le ciel, & la terre, les estrangers, & les domestiques peuuent estre tesmoins à la posterité affidez, & irreprochables: ayant l'auantage par dessus le commun des orateurs de ne dire rien que l'Europe n'aye veu, que le plein Soleil en son parfait midy ne descouure, & ou il n'y aye plus de danger à moy de dire le moins, que le trop. Autant de cœurs que ie vois, me seront tout autant de fides registres des veritez que i'apporte. Elles sont ia grauees en l'eternité, il ne faut que les nommer, ou les marquer sur les sable, ou le monstrer au doigt pour les recognoistre. Ie prendray donc le vol vn peu plus haut, peut estre iusqu'à l'effor d'une Diuinité, certes au vent de

ma

ma profession plus sublime planant, & radant au dela de la moyenne region du commun pour enuifager cest astre Solai-
re eleué sur le Zodiaque de nostre ho-
rizon d'un aspect plus fixe, & genereux.
Pourquoy non, si la Philosophie ap-
prend, la Theologie enseigne, les Poë-
tes chantent, les orateurs persuadent que
les Roys sont les enfans de Dieu, voire
des petits Dieux, ne rechercherons
nous les rapports admirables, les traicts
les plus hardis, les lineamens naturels,
& les pourfilz naïfues apres la diuinité,
en la personne d'un Roy qui n'en aura
point de pair au siecles aduenir, en ce de-
clin du monde defaillant, & chancellant
a sa fin? Les enfans se recognoissent a l'air
des Peres, les fruiçts ont la seue des brā-
ches, les branches du tronc, le tronc de la
racine. Homere, & tous les Grecs ont ap-
pellé les Roys enfā des Dieux les Dieux
humains, & les Ioues du monde, mesme
leurs Apotheoses les ont logez avec les
Dieux apres leur trespas. Nos oracles es-
clairez de plus haut, nous ont marqué ce
secret, & nous en ont renuoyé vne bien
plus solide cognoissance. *Dixi quia Dñs
estis, & filij Excelsi omnes.*

S. Basile
Ep. de vi-
ta solita-
ria.

15. Ps. 81

*Je dis que vous estes des Dieux puissans,
Et du tres-hault vous estes les enfans,*

C'est le sentiment de tous les sages que ce que l'ombre est au corps, l'image au prototype, le rayon au Soleil, les Roys le font à la Diuinité : Comme ombre ils l'imitent, & la suiuent ; comme images ils la representent, comme rayons ils en sortēt, & en tirēt leur source. Leur point, est vn point, de ceste ligne, leur surface, surface de ce corps, leur angle vn angle de ce cube, leur cētre, vn cētre de ce cercle, leur cercle, vn cercle de ceste sphere. Et ne veux me seruir d'autres couleurs que de celles que ie trouue meslees en la plus haute Theologie des attribus de l'essence diuine, ou ie rapporteray en parallele les qualitez releuees des Roys mesurant le finy à l'infiny, qui ne sera hors de propos, cependant pour admirer, & adorer cōme il faut les grandeurs de Dieu, ainsi que Thimantes en vn sien Chef d'œuure donnoit à entendre l'excessiue grandeur, du Geant, qu'il auoit racourcy en bien petit espace d'vn ongle, par vn petit Satyre qui luy arpantoit à grandes mesures le petit doigt. Hercules ne se trouua iamais plus grand que s'e ré-

contrant avec les Pigmees, n'y le Colosse de Rhodes que quant estant abbatu on faisoit de son petit doigt plusieurs autres fort grandes statues : & les perfectiones diuines se treuuent d'autant plus diuines qu'elles sont comparees à celles des hommes.

Donc le premier trait de la diuinité que nos maistres nous figurent, c'est la simplicité : & veulent dire que Dieu en sa premiere propriété est vne essence ou toutes choses sont essentiellement, vne tres-incomposée, indépendante de tout autre que d'elle, infiniment active, & vniforme. *Quia quod habet hoc est, & quia non est aliud habens, aliud quod habet, & quia que habet hac est, & omnia vnus est.* Ce qui n'est pas en nous, qui auons à faire de mille outils, & de mille organes, qui ne sont par nostre ame, pour les fonctions de l'ame. A ceste perfection diuine correspond desja la Monarchie cause formelle des Roys. Le nō marque l'vnité de puissāce, & d'épire, l'vnité l'indépēdence, l'indépēdence l'actiueté; l'actiueté, ceste simplicité diuine, puisque d'un seul tout depend, luy ne dependāt d'aucun, que de luy mesme. Aussi ont tous les sages de-

Aristote
li. 3. polit.
chap. 11.
¶ 12.

batu que la Monarchie estoit le plus parfait de tous les gouuernemens: qu'il approche le plus de celuy de Dieu, Dieu n'estant qu'un en son diuin Empire, le Soleil vn au Ciel, Adam vn chef entre les hommes, qui donna occasion à Aristote de conclure la Metaphysique *Ergo vnus*

Aristot.
liure de
nier de la
meta.

princeps. Donc il ny a qu'un Prince en l'vniuers. La vertu vnice est plus forte: la pluralité est mere de desordre, dont l'vnité estoit le nombre benit & le nôbre de deux, le maudit en l'escholle de Pythagore. La diuersité des qualitez, & d'humeurs en nostre corps nous cause l'intemperie, & la mort. Plus aisément trouuera on vn sage pour estre Roy, que dix pour estre Magistrats, & si c'est vnique se trouue n'estre sage, comme il peut aduenir, il est plus facile de radresser vn fol, que plusieurs tous ensemble: qui faisoit dire à Marius Maximus, & à cest autre admonestant Traian, que le gouuernement d'un peruers estoit meilleur que celuy de plusieurs, estant facile à plusieurs bons d'en refrener vn mauuais, & non pas à vn bon d'en brider plusieurs mauuais, si bon puisse il estre. Voicy le premier chef qui rend les Roys vrayes

Lamprid.
in Alex.
Seuero.

images de Dieu, ce qui est commun à tous. Quant à la Monarchie de France, d'autant approche elle le plus de la Divinité, que sa forme est absolue, par dessus toutes les Monarchies du monde, lesquelles la plus part sont pelemeslees d'Aristocratie, voire encore de la confusion Democratique, & populaire. Les Polagues, & autres Septentrionnaux asemblez aux estats disent à leur Roy qu'ils sont ses freres, & luy le leur: les Escossois, & Anglois sont tous cousins du Roy, & vont presque du pair avecque luy: toute l'Allemagne à degeneré en petites principautez, qui n'entrent en ce compte. L'Espagnol ne remue pas les Pyrennees comme il veut. Le seul Roy, de France entre les Roys est Roy, Monarque des Monarquès, purement absolu. Il à son Conseil, & ses Parlements qui le guident, le conseillent, l'admonestent, mais il les gouverne, ses volonteiz sont des loix, ses Conseils commandemens. Oracle de son Royaume, chef de tout son estat, qui ne void, qui n'oyt, qui ne parle, qui ne flaire que par luy.

Αὐτὸς ἐστὶν ἐρέτης αὐτότολος αὐτόμαλος ἦνυς.

Luy misme son Timon, & sa barque, & sa rame.
Comme Leandre chez Musée outre-
passant sa dangereuse mer. Que si tous
nos Roys sont les plus indépendents de
la terre. HENRY LE GRAND s'en est allé
de ceste vie avec la gloire d'avoir le plus
absolument regné qu'aucun de ses devan-
ciers depuis l'establissement de ceste Mo-
narchie. Et comme l'on dict qu'à la voix
du lion tous les autres animaux se soub-
mettent, & s'atterrent, aussi avons nous
veu des son advenement à la Couronne,
tant de grand Princes qui sont en ce
Royaume, tant de fameux guerriers,
tant de sages testes, tous les corps des
Parlements, les villes, & les Prouinces
tellement abbatues à ses pieds, & souples
à sa voix, que de tout le temps de son re-
gne on n'a pas veu branler vne seule
feuille de son Royaume, qu'au mou-
vement, & comme au Zephyre de ses
volontez, la grande opinion de sa pru-
dence, la merueille de sa valeur, la ter-
reur de son nom, l'euenement heureux
de ses conquestes auoit tellement sub-
iugué tous les cœurs les plus altiers,
& gagné telle creance sur les courages
les plus reuesches, que tous faisoient

gloire de tomber de sa main comme du grand Ence, de se tapir sous son aile; de viure sous son ombre. Et comme l'on dist de ceste isle en haute mer qui s'attache, & d'estache, s'aduanee, & se recueille, de mesme sembloit il auoir en main l'attache de l'estat, & les rhens de ce grand Empire qu'il mouuoit, & menoit tout ainsi qu'il vouloit. De luy seul peut on dire qu'il portoit en sa teste, toute la prudence de son conseil, en sa main, toute la valeur de ses armees, en son œil, toute la prouidence de ses Parlements, en vn mot, il pouuoit tout en ce petit monde. il n'ignoroit rien en ceste sphere, il possedoit tout en ce domaine. Tout estoit Roy en luy comme tout est Dieu en Dieu à cause de son infinie simplicité; son parler estoit de Roy, toutes ses démarches Royales, ses desseins tous Royaux, son port Royal, & son ombre Royale: tout comme l'on escrit du Roy Demetrius, qu'il ressenoit son Roy en tout ce qu'il touchoit, voire aux œuvres mechaniques quand il s'y addonnoit, presque vn autre Midas qui transmuoit en or tout ce qu'il touchoit: ou plustost vn autre Alexandre le grand qui estoit grand

en tout: de qu'il les plus basses actions, & conceptions n'estoient rien que merueilles. Car s'il vouloit vne statue, c'estoit de la main de Lyssippe, s'il vouloit estre peint, il le vouloit de la main d'Apelles. Pour sa statue il ne la vouloit de la mesure des autres, mais vn colosse plus grand que le mont Pelion, plus sourcilieux que l'Olympe, plus esleué que le plus haut mont de toute la Thrace, & qui eust pour sa base vn grand monde de pays: le Roy n'eust iamais pensee que tresgrande, & releuee au dela du vulgaire des Roys. Son cœur n'estoit qu'un sacre de grandeur, & son esprit, vn Aigle de courage, premier lineament de la diuinité.

La perfection seconde propriété de ceste supreme intelligence suit la simplicité: appartenant à l'essence de Dieu de contenir en soy toutes les perfections imaginables en toute la latitude de l'estre, les vnes qui sont pures perfections formellement, les autres subiectes à meſlange, par eminence. Si est vray que Dieu seul est parfait en ceste sorte. Il y a pourtant vne autre perfection en chaque genre qui ne manque de rien en son rang qui peut se rencontrer entre les hommes,

hommes, vn autre traict de visage que ie descouure au feu Roy , tirant à la diuine ressemblance, a esté , d'auoir fait l'assemblage de toutes les plus Heroïques qualitez qu'on aye oncques admiré en tous les anciens Heros des siècles passez. Infatigable soldat , Capitaine parfait, Empereur inuincible , & comme à Rome on disoit de Scipion Æmilian , grand chef de guerre en son camp, sage Sénateur en son conseil , eloquent Orateur en ses harangues militaires, qui auoit obtenu de la voix de toute son armée, le nom de TRES-VAILLANT , TRES-VEILLANT TRAVAILLANT. Admirable en la paix , formidable en guerre , inimitable en son Loure , infailible en son cabinet, vne foy recogneuë, inuiolable en ses promesses , magnifique en ses bastimens, mesnager en ses finances, esmerueillable à faire le choix , & à recognoistre ses subjects , subtil & succinct en son parler, tel qu'Homere décrit Menelaus : prompt & incomparable en ses responses , equitable en ses iugemens, discret & hardy en ses entreprises , fidelle a ses allies , passionné à ses amys , accostable aux ennemis.

mys, affable à tous; incorruptible au travail, égal au repos, iouial en son humeur, feuer en ses decrets, meur à deliberer, soudain & vigilant à effectuer. Somme c'estoit la vraye palme d'Inde, portant seule toutes choses necessaires à la vie humaine, ou la statuë du dieu Marna tant celebree en Ægypte, en toute l'antiquité, pour estre composee de toute sorte de bois les plus exquis, & de s materiaux les plus rares du monde. Car si nous admirons tous les autres demi-Dieux chargez de lauriers, en leurs particulieres victoires, nous recognoissons en luy comme en vn Pantheon, tous les vifs simulachres de leurs merites, en leur plus naturelle naïfueté: La religion & miraculeuse conuerſion de Clouis, la deuotion de Dagobert, la pieté de Pepin, la valeur de Charlemagne, la clemence de Louys, le bon heur de Capet, l'equité de Robert, la noblesse, & l'estoc de saint Louys, la sagesse de Charles cinquième, le zeile de Charles fixième, la bonté de Louys douzième. Sans peur, comme vn Samſon, sans fiel comme vn David, heureux comme vn Salomon, fortuné comme Alexandre, riche, comme Phi-

lippe, beau comme Antigone. (Car le feu Roy a esté vn des beaux Princes, & puis vn des beaux vieillards de tous les siecles) puissant comme Xerxes, genereux comme Darie, parfait comme Cyrus, reformidable comme Annibal, religieux comme Numa, guerrier comme Scipion, vaillant comme Pompee, vigilant & victorieux comme Cesar, clemēt & aymable comme Auguste, florissant comme Tibere, Chrestien comme Constantin, pieux comme Theodose. Icy quelque bas esprit, ou ennemy, & ialoux de ces grandes perfections, me dira: que ie ne vante que ses loüanges, & que ie ne sonne mot des defauts, & des vices, voire, aussi ne suis-je pas gagé pour cela. Neantmoins à Dieu ne plaise que ie fasse comme Apelles, qui flattant le portraict du beau Prince Antigone, ne le representa qu'en pourfil, & de costé, pour couvrir le defaut de l'œil qui luy manquoit. Quand on entre au denombrement des Heroïques vertus d'Annibal de Carthage, le seul domteur du Faste Romain, on ne demande pas s'il estoit borgne d'un œil; comme en loüant Platon, on ne s'arreste à sa bosse, ny admirant Socra-

te à la deformité de son aspect, on prend la perfection en son genre. Alexandre n'estoit pas, moins Alexandre pource qu'il beuuetoit quelque fois, ny Hercules moins Hercules pource qu'aucune fois il filoit avec Omfale, ny Cesar moins Cesar pourautant qu'il estoit petit de corps: Et Roscius pour auoir eu les yeux louches, ne perdit pour cela d'estre le Roy du theatre, & le Soleil leuant de la comedie. Il faut prendre les choses en son pied. Je considere au feu Roy d'un costé le Roy, de l'autre l'homme. Comme homme, il ne pouuoit estre parfait puisque iamais homme ne fut parfait que le Sauueur par nature, & sa glorieuse mere par priuilege, & par grace. Et est vray que nous ne sômes tous qu'un theatrique de maux, vne paste d'infirmité, vn magasin de mal'heur, vne fourmiliere de vices. Je voudrois pour bonne chose que de tous les siecles passez, on me feist voir vn Prince si parfait puisse-il estre, qui n'aye eu de l'homme, qui n'aye sacrifié à l'humanité, qui n'aye esté tributaire à l'imbecilité: soit-ce vn Dauid, ou vn Constantin ou vn Salomon, ou vn Charlemagne. Si ay-je le sujet de prendre à

tesmoing tout ce Royaume, qu'après
sainct Louys, & trois ou quatre autres,
Roys pour le plus, il ny en eut iamais ou
l'on remaquast guiere moins de l'imper-
fection & de l'homme. Les vns sont mar-
quez d'auoir esté grands iureurs, d'au-
tres grands yurognes, qui violât, & insu-
portable en sa haute fortune, qui prodi-
gue, en ses largesses, qui inaccostable au
peuple, qui bizarre en ses humeurs, qui
fayneant en sa charge, qui egaré en son
sens, qui despourueu de cōseil. En Char-
lemagne l'un des plus accomplis en la
liste des Roys. Petrarque à remarqué des
estranges passions surpassantes toute for-
te de charmes, & de philtres. Le pauvre
Roy defunct, n'a esté mauuais à person-
ne qu'à soy-mesme; tout ce qu'on à veu
en luy d'humanité ne prouenoit de ma-
lice ains plustost d'un grand, & dange-
reux excez de bonté, & d'une humeur
naturelle qui paroissoit, en toutes ses
actions d'amour de facilité, & de cle-
mence. De vraye malice, l'homme est à
naistre qui en aye peu descouurir en luy.
Il m'aistrisoit parfaictement toutes les
autres passions, & les tenoit aussi subje-
ctes, & closes qu'Vlysse tous les vents en

l'Odissee d'Homere. Si est esmerueillable que sa plus puissante passion, & la plus reprehensible estoit de vouloir estre aymé de tous, son ordinaire, & plus violente impatience : souuent traictant avec la Royne sa parfaicte moitié, ses plus ordinaires discours estoient, si son peuple l'aimoit, & s'il aymoît son peuple autant qu'il le falloit. Et dés lors qu'il auoit descouuert que quelqu'un estoit porté d'inclination à l'aimer, il l'aimoit d'amour, & par ie ne sçay quelle fatale necessité naturelle, qui faisoit qu'il se portoit mesme, pour ce respect à quelques vns de peu, vn autre excès d'amour & de trop de clemence. Quel default plus tolerable à vn Roy, en vne si absoluë fortune, que d'aimer & de vouloir estre aimé mesme des moindres? combié esloignee est ceste humeur de l'humeur du Tyrā tenu pour vn monstre en la nature qui disoit. *Oderint dum metuant. Qu'on me haysse, mais qu'on me craigne, c'est tout vn*, vray salpetre du fureur, & d'humeur Bacchanales n'ayant rien que le nom d'humanité. Donques pour les excès de ceste viue passion de ce bon Roy, ie ne les excuse pas, ny ayant point d'excès qui puisse

estre excusable, mais ie les marque pour
telz quilz sont, & prie la diuine bonté de
vouloir les abismer dedans les infinies
profonditez de ses misericordes, & de les
compenser par le grand nombre des si-
gnalees vertus qui l'ont rendu si aimable
à ses subjectz, & si remarquable à la po-
sterité. S'il n'a pas ensuiuy les grandes
profusions, & insupportables prodiga-
litez de plusieurs de ses deuanciers, en ce
à il esté vniquemēt louable de s'estre fait
plus aduisé à l'exemple d'autrui. Car les
plus clair-uoyans au fait de l'estat, me-
seront tesmoins irreprochables que
toutes les plus grandes, & plus irrepara-
bles fautes qui ont esté faites en ce Roy-
aume par noz Roys despuis Loys onzié-
me iusques à ce Regne, sont venues pour
n'auoir en son temps pourueu aux finan-
ces, qui sont les nerfz non seulement de
la guerre, mais encore de l'estat, d'ou ilz
ont esté forcez d'aualler des choses tres-
indigestibles, & indecentes à leur ma-
jesté, non seulement des estrangers mais
de leurs subjectz mesme : n'y ayant rien
au monde qui rende vn Prince si mes-
prisable que d'estre necessiteux, où en
opinion de l'estre. Partant ce grand hom-

me d'estat s'il en fut iamais ayant esté bien appris luy mesme par l'experience, quels grands precipices il auroit costoyé pour auoir manqué de ce costé en sa plus basse fortune, il roidit toute son industrie, & feist tressagement, à ce que ses finances fussent proportionnees à la grandeur, & à la valeur. Le Prince du monde le plus mesnager, & le plus retenu en ses despeses, qui peut estre feust iamais, n'estât liberal, & magnifique que où il le falloit, ce qu'il à fait paroistre en les somptueux, & Royaux edifices, où à ietté les millions à milliers, en l'acquit des debtes ayant acquitté luy seul cette Couronne de plus de cent millions de lures; à dresser ses armées, qu'on ne voit iamais assorties comme nous les auons veues ces iours passez, en vn clin d'œil, au moindre mouuement de sa baguette: finalement à achepter les alliances de dehors du Royaume y employant vilement les finances de son thresor pour esparagner le sang de ses subiects: faisant à l'imitation des bons Architectes, qui non contans d'auoir sur des bons pilliers, bonnes arcades, & bons fondemens rassis quelque grand bastiment, l'asseurent par dehors,

dehors, l'appuyent, & l'estançonnerent de bons arcs-boutans & de beaux pilastres. Et s'il est vray que par ce moyen tout le peuple en estoit finalement soulagé : tirer quelque palette de sang du corps humain est chose salubre à la santé, mais le tirer tout en vn coup & vuidier tout à faict les veines de leur sang, il faut que la mort incontinent s'en ensuiue. Il estoit aduenu souuent aux autres Roys qu'aux necessitez suruenantes & ineuertables ne setrouuât point de fons ils estoient contraincts d'accabler le pauvre peuple tout a coup ou bien de laisser ruiner toutes choses. Ce Roy admirablement prouoyant ayant reconnu ces inconuenians ay moit mieux insensiblement tirer de son peuple, que d'estre cōtraint de l'oppresser en la necessité, en quoy il à esté infiniement louable. Si que le considerant en ce qui est du Roy, & laissant à part ce qui peut estre ou resentir de l'homme, il estoit vraiment assorty de toutes les qualitez qui peuuent rendre vn Roy redoutable aux ennemys, recommandable à ses subiects, admirable à tous les siecles, assuré en son estat, florissant en sa fortune, exemplaire à la posterité. En quoy ie des-

couure le parfaict colory de diuinité ne pouuant (quand bien ie vouldrois le feindre) descouurir en luy vn seul manquement en ce qui est necessaire à l'entiere perfection d'un Monarque accomply. Au reste vn corps certainement digne d'Empire, ainsi que parle Aristote, & l'estuy proportionné à la grandeur de son ame: rayonnât la Maiesté de toutes parts, si qu'au milieu d'une armee, il n'y auoit celuy, bien que ne l'ayant iamais veu, qui n'eust iugé à son port ou qu'il estoit le Roy, ou qu'il le debuoit estre, tout ainsi que Priam chez Homere recogneut Agamemnon sans le cognoistre d'ailleurs. Le sourcil releué, & le front decouuert, aussi plein de terreur pour estonner l'ennemy, que l'œil riant, & la bouche amiable pleine de douceur, & d'attraiect pour attirer les siens. Ce nez Aquilin, symbole de prudence, ce chef chargé plus d'experience, que d'annees, & de cheueux chenus, tout l'aspect liberal vray miroüer d'une candeur la plus Françoisse du monde; tout le corps endurcy, & infatigable au trauail, & à la peine, à la fain, à la soif, au froid, au chaut, à la pluie, à l'yuer, & à toutes incômoditez.

aussi auoit il esté nourry à ce dessein à la guise des Spartiates, en vn pays rude, & mal plaissant, parmy les laboureurs, & vil-lageois, teste nue, pied nud, du tout, à la rustique: d'ou ils'estoit acquis vne constitutiō de corps la plus patiente, & inalterable que fut onques. Il lassoit d'exercice toute sa cour, perpetuellement en action comme les intelligences celestes: en continuel mouuement comme vn premier mobile. vigilant mesme quand il dormoit, comme Herodore escrit du lion qu'il ne dort point, ou fait semblant ne point dormir, par le mouuement de sa queue, & par l'esclair de ses yeux. Il reposoit, & quand, & autant, & comme, & ou il vouloit, & est vray qu'en toute son armee il n'y auoit soldat plus penible que luy. Tres-sobre en son naturel, & ne se plaignant de rien, se contentant des viandes les plus grossieres comme d'un peu de lard, & quand il estoit en Gascogne d'une piece de pain oincte, & humectee avec les aux: son habit coustumier comme on dict de Cesar plus de simple soldat, que d'un puissant Monarque. Tout luy faisoit infiniment bien: sur tout sembloit il auoir esté formé pour paroistre

armé, & pour estre à cheual. C'estoit son grand lustre voire le passetemps, & l'esbat de la nature de le voir en c'est equipage, & arroy militaire, vraye image de Mars, les delices des armées, le mignon de Pallas. Pour les perfections les plus interieures, & propres d'un grand Roy, vn monstre de memoire, vraye tablature de tous les subiects tant soit peu remarquables de ce grand Royaume, soit aux lettres, soit aux armes, soit en vertu, & sainteté; Quant au iugement ioinct à la promptitude, & d'exterité de dresser vne armée, tous les plus grands capitaines de ce siecle tant estrangers, que François se sont tousiours vantez de n'estre que ses disciples, & luy ont donné la gloire d'auoir surpassé tout ce qu'en trouuons escrit de ces miracles du monde, que l'ancienne iactance à esleué iusqu'au Ciel. Que s'il estoit question de parler de son courage, il ne faudroit vn Phormion comme moy, ains tous les Thucidides, les Pericles, les Xenophons, & tous ces autres Heros d'eloquence que les siecles passez ouyrēt onques tonner en l'Italie, & en la Grece. Vn grād fouldre de guerre tout feu, tout esclair, tout terreur,

qui ne mesura iamais ses victoires au nombre de gens, ains à sa seule valeur: faisant luy seul avecque son harnoys plus de la iuste moitié de son armee: tousiours le premier au coups, le dernier à la retraicte: iamais veincu, perpetuellement veincueur: Grand Achille François nourry de la moüelle des lions: trois batailles solennelles; trente & cinq remarquables combats; cent & quatre rencontres signalez, plus de troys cens sieges de villes luy ont chargé le frond de lauriers, & acquis le furnom du plus heureux, & du plus déterminé guerrier du continent de la terre, d'un Alexandre entre les bandes Macedonienes, d'un Cesar entre les Romaines, d'un Epaminondas entre les Gregeoyses, d'un Hector, & d'un Priam entre les Troiennes. Ce qui soit dict pour le gryffonnement de ses innombrables perfections tout en blot, & par tourbe en estant le denombrement de toutes parts impossible.

Voyons de l'immensité vertu incommunicable de la diuine essence combien viuement il en a porté le traict exprimé sur le front. Qui est en vn mot vne perfection de l'estre souuerain le rendant ne-

S. Gregoi-
re li. 10.
moral.
chap. 10.

In ipſa
viniſmus,
monemur
ſumus.

ceſſairement preſent par tout, & aſſi-
ſtant à toutes les choſes crees. *Quia in-*
circumſcriptione ſui ſpiritus cuncta tranſcen-
dit. Ce que S. Auguſtin comprend a guiſe
d'vne mer qui occuperoit tout, & dedâs
ceſte mer vne petite eſponge qui nage
dedans: Comme le globe du monde viſt,
& ſe meut, & eſt en Dieu ainſi que le
diſt S. Paul en l'Arcopage. Qui faiſoit
que Trismegiſte definifſoit la diuinité vn
cercle qui auoit ſon centre par tout, &
ſa circonſerence nulle part. Le Roy de
France à bien prendre, eſt la balance de
l'Europe, & comme l'intelligence mo-
trice de toute la Chreſtienté. Je laiſſe à
part que toutes les nations ont touſiours
aimé & deſiré nos Roys, pour ſ'afſujettir
à eux, & les honorer côme leurs Princes,
ayant touſiours eſté la fleur de lys la ſe-
mence des Roys, qui ont prouigné par
routes les plages de l'Vniuers: les Pepins
en Italie, les Lothaires en l'Auſtraſie, les
Charlemagnes en Allemagne, & aux Ef-
paignes, les Foulques d'Anjou en Ieru-
ſalem, les Luſigniens en Cypre, les Char-
les, & autres en Sicile, & à Naples, les
Louys en Hongrie, les Philippes & les
Balduins en la Grece, les Henrys en Po-

loigne, & en Nauarre; pour ne renouuel-
 ler les plus anciennes conquestes, & co-
 lonies de l'Asie, qui ont graué en son cœ-
 tre le nom, & le renom de nos vieux
 Gauloys. Ie ne compte rien de tout cela
 pour l'immensité, ie le prens au mouue-
 ment general que le Roy, comme l'on-
 zième Ciel donne à toute la rondeur de
 la terre. Balde Iurifconsulte signalé
 estrangier hors d'interest, dit que le
 Roy des François, en ces quartiers est
 le pole Arctique ne recognoissant quant
 au temporel aucun plus grand que luy.

*Est apud nos Polus Arcticus nullum in tempo-
 ralibus superiorem recognoscens.* Autre part
 il l'appelle. *Stellam matutinam in medio ne-
 bule Meridionalis.* Estoille matiniere au
 milieu de la nuee du Midy. L'estoille
 matiniere, nommee Phosphore par les
 Grecs, deuance tousiours le Soleil, com-
 me le Roy deuance les autres Roys. Du
 pole on prend les hauteurs, & les lar-
 geurs du monde, de là se guident par
 la boussole les vaisseaux sur la mer. Le
 Pole Arctique soustient en c'est He-
 misphere tous les globes celestes, sans
 qu'il se remuë, tousiours immuable en
 son point, & pource que de l'immensi-

Baldus
 consil.
 4. 17. in
 l. ii. de
 feud. a. 10.
 per Edd-
 ri. in vlt.
 feudoria.

té, de la perfection , & de la simplicité
 de Dieu, sortent comme par suite deux
 autres attributs l'estre immuable, & l'e-
 ternité, nous les entasserons icy d'une
 file, sans les traicter à part, estant Dieu
 immuable & d'existence pour estre sim-
 ple essence & d'alteration pour estre
 tout parfait sans pouuoir rien acquerir,
 & de mouuement à cause de son immen-
 sité, & de temps par l'éternité, qui n'est
 autre, qu'une plénitude de durée inua-
 riable, ou comme la definit saint Augu-
 stin, *Vera incommutabilitas ipsa est eternitas.*
 En cecy recognois-je nos Roys pour les
 poles du monde en ce que toutes les au-
 tres Monarchies, n'ayant fait que py-
 rouïeter dès leur origine, ceste cy a esté
 tousiours parfaitement immuable Et
 n'en desplaïse à l'insolence estrangere,
 qui preste calomnieusement la legereté
 à la nation Françoisë, la plus iniuste im-
 posture qui fust iamais. Ayant la seule
 France entre tous les Royaumes sub-
 lunaires le preciput & l'aduantage de
 constance; soit en la religion, qu'elle ne
 changea iamais. En quel sens saint Hie-
 rosme disoit, que la seule France ne por-
 toit point de monstres, soit en la Monar-
 chie

chie qu'elle a tousiours gardee inuiolable iusques à maintenant, laissant les remuemens de l'un & de l'autre, & l'inconstance grauee au front, & hereditaire à toutes les autres nations. Et pour ne parler par cœur, en mesme temps les Bourguignons, puis les Vandales, par apres les Gots, & Visgots; finalement les Lombards, les Huns, & plus tard les Arabes, voulurent establir en ces quartiers, en Italie, & en Espagne, leur Empire, toutes puissantes & indomptables nations: si est-ce qu'elles se sont toutes euaporees en fumee, avec leurs Royaumes, si bien qu'on n'en parle plus: tant de siecles y a. Le seul Empire François par dessus tous ceux qui iamais ont esté establis sur la terre, dure il y a desia douze cens ans, croissant en perfection de siecle, en siecle. Ceux des Perses, Medes, Assyriens, Chaldeans, tombans & se releuans par plusieurs fois ne passerent iamais en leur consistance, les cinq cens ans: celui des Grecs, commel'Hemerobion de Plin nasquit presque, & enueillit en vn mesme iour. Les Roys de Rome ne furēt que quatre ou cinq, leur Consulat ne dura que cinq ou six siecles.

Leur Empire fut troussé, & deschiré
auant le quatriéme : Cesar ne fut iamais
maistre paisible des Gaules vingt quatre
heures, & qui est infiniment remarqua-
ble, la Monarchie de France a seule duré
à ce compte, presque autant que toutes
les autres ensemble, y ayant douze cens
ans qu'elle est sur pied. Celle d'Espaigne
ne nasquit qu'auant hier, en l'Allemagne
n'en reste qu'un fantosme, vestu à la
Tudesque. Celles d'Escoffe & d'Angle-
terre sont un peu plus anciennes que ces
autres : mais comme des Simplégades,
elles ont tousiours suiuy le mouuement
des vagues qui les battent, & en la reli-
gion, & en l'Estat infiniment volages.
Aussi ne sont ce que deux petites mo-
tes de terre, ou deux petites Itha-
ques de Royaumes, qui suyuent faci-
lement le flux, & reflux; l'escume, &
le desbordement de leur maree. Ceste
Couronne de France vnique de tous les
siecles reste immobile en sa source, com-
me celle d'Ariadne en son ciel; son Roy
immuable en sa Majesté, comme le So-
leil en son Ecliptique, sa police, stable en
sa premiere forme comme le Pole en sa
sphere : & si n'est pas encore en son par-
fait ascendant & en son zenit, prenant

de siecle en siecle nouvelles desmarches en sa duxee de douze siecles accôplis. La loy Salique luy donne l'eternité, *Imperiu sine fine dedit*. Car LE ROY DE FRANCE NE MEVRT IAMAIS, la naissance le couronne, & la mort du precedant l'establit. C'est pourquoy on sert la statue des Roys defuncts comme viuans, tant pour protester l'immortalité de l'ame, que pour faire profession de l'immortalité de nos Roys. Le parlement suit le cōuoy funebre en robe Rouge aux mesmes fins, & ne tient on point que nostre Roy soit mort, quand il est mort; vraye image de l'eternité, & de l'immortalité de Dieu le Roy des Roys. Ce qui soit dict en general de tous, mais aueré de point en point en la personne de feu HENRY LE GRAND plus qu'en autre duquel nous ayons ouy parler. Car qui est le nouveau de ce siecle qui ne l'ayt veu l'arbitre du Monde, le ressort de la Chrestienté, le premier Mobile des Royaumes, la terreur des Peuples, l'estonnement des Nations? Il auoit bridé d'un tour de main toute l'Espagne, pacifié l'Italie, appriuoisé l'Angleterre, esbranlé, l'Allemagne, encouragé la Flan-

dré. Vn petit quart d'heure auant sa mort toutes les bases de la terre crouloient sous la terreur de ses armes. L'Italie soubçonnoit, & craignoit; la Sauoye desseignoit; l'Allemagne conspiroit; la Suyssie marchoit, le pays bas tumultuoit; l'Angleterre armoit; toute l'Espagne trembloit. Les Pyrenees, les Alpes, l'Apennin, l'Océan, la Mediteranee, le Rhein, les continants, & les Isles redoutoient ses entreprises. L'Archimede de nos siecles qui pouuoit se vanter de remuer luy seul avec ses machines tout l'Elemēt de la Terre s'il eust eu l'aduantage de se rasseoir. Mais les doctes exposent l'immenfité de Dieu le considerant estre par tout par essence, par presence, & par puissance. Ils entendent l'essence par l'intime adistance donnant actuellement l'estre à toutes choses. *Quo ibo à spiritu tuo?* par la presence l'actuelle cognoissance qu'il a de toutes, *Aut quo à facie tua fugiam?* la puissance pour ce que il opere en chascune d'icelles les conseruant en leur estre, & les gouernant: *Etenim il-luc manus tua deducet me, & tenebit me dextera tua* L'adistance du feu Roy intime, & comme essentielle en son Royaume se peut prendre pour s'estre intime-

ment emparé de tous les cueurs d'iceluy
qui luy estoiet autant de citadelles. Et me
souuiés d'un Gymnosophe, qui voulut
vn iour exprimer ceste perfectiō royalle
au Grand Alexandre par cest Apologue
digne de memoire. Il print vn cuir de
bœuf bien couroyé, & bien sec, & le met-
tāt par terre pressoit des pieds toutes les
extremitez l'une apres l'autre, luy faisant
voir que les parties extremes opposees
muoient; puis le pressant au milieu il luy
rendoit toute la peau ferme, & immo-
bile, pour luy faire entendre que le Roy
tenant le centre de son Royaume toutes
les parties les plus esloignees sōt en de-
uoir. En langage Hebrieu le mesme mot
qui signifie le milieu, est pris pour le
cœur, estant le cœur le milieu de l'ani-
mal. Ce Prince estoit si profondement
campé au cœur de tous ses subiects, que
de la comme du centre il enuoyoit
les lignes esgales de sa preuoyance par
toute la circonferance: & comme du
cœur il fournissoit les esprits vitaux à
tout le reste du corps de son estat qui le
vegetoient, & l'animoient à son obeis-
sance: estant la verité qu'il n'y a Nation
sous le ciel, qui aye plus d'instinct natu-

relà la Monarchie , & d'inclination essentielle à aymer son Roy , que la Francoise , & que le Monde se passeroit aussi tost de soleil que la France de Roy. D'ou aduenoit par suite reciproque que **HENRY LE GRAND** estoit comme present à tout son domaine , qui est l'autre propriété de la nature immense. Au temps iadis on s'estonna de Strabon , de ce que du Lilibee de Sicile il voyoit distinctement , & comptoit les vaisseaux qui sortoient du port de Chartage éloignée de la de quinze cens stades. De Callicrate sculpteur qui grauoit des fourmys sur l'yuoire si menues que personne ne les voyoit que luy. De Tybere l'Empereur qui voyoit aussi bien la nuict que le iour ! & de l'œil mesme de la statue du Lion de marbre posé au bord de la mer qui estonnoit de l'esclat de l'esmeraude d'ou estoit composé cest œil , les poissons qui nageoient au centre de la mer, **HENRY LE GRAND** auoit la prunelle si viue , & penetrante , qu'il decouuroit iusqu'aux atomes qui volti geoient au bout de son Royaume : il se fut apperceu du vaisseau d'Architas , qui estoit tout cōpris sous l'aile d'un mous-

cheron, desbarquant de Lysbonne : rien ne demaroit de la qu'il ne le vist de son Louure. Il s'apperceuoit d'ordinaire de ce que personne ne pouuoit voir que luy : sondoit, & esclairoit iusques aux plus secretes, & nocturnes intentions de tous ses sujets : dardoit le brillant de sa prouidence clairuoyante iusqu'au fonds du Royaume, mesme penetroit comme Lyncee iusqu'aux murailles, & dedans les cachots des familles particulieres, ce qu'on à veu en luy avec admiration. Ce qui luy rendoit son estat aussi presant comme s'il eust esté tout au tout, & tout en chasque partie. Pour ne rien dire que par vn autre artifice commun à nos Roys (mais rendu propre à luy) il s'estoit rendu tellement presens tous les principaux supports, & membres d'iceluy, & toute la Noblesse si assidue qu'ô peut dire de luy, auoir peu trouuer l'expediant de voir des galleries de son Louure cōme en vne viue Mapemonde tout ce grand monde François, aussi transparent, & aussi presant comme la sphere d'Archimede ou au trauers du christal il faisoit voir à l'œil tous les astres, tous les cercles, tous les mouuements, &

Clandia.

toutes les demarches des Cieux, si bien que le grand Iupiter s'en trouua braué, & si s'en prit à rire. *Iupiter in paruo cum cerneret omnia vitro, risit &c.* Pour entendre la presence de puissance il ne faut voir que l'aymant, & l'ambre qui attirent les choses de loing par leur vertu occulte; ce qui ne se peut sans agir secrettement sur icelles, qui est leur estre present par ceste qualité. Ce qui se void encore mieux au Soleil, qui engendre tout ça bas avecque les causes subalternes, & se glisse par ses diuines, mais cachees influences aux entrailles de la terre, ou il eslaboure les mineraux, & les pierreries enfans puisnez de ses energies, & qu'on prise d'autant plus qu'elles retirent aux, qualitez solaire. Le diamant en son eau par sa clarté, l'escarboucle en rayon, le saphir en son celeste estoillé. D'ou pensez vous autrement qu'aye prins pied la fable de Lyncee qui penetroit au dire de Pausanias, les racines des arbres qui estoient sous terre ὡς τὸ Ἀλγίλειον: θεῶν δρυῶν: trauesoit toute le corps opaque de la terre ainsi que l'adiouste Apollonius, outrepasloit de sa veuë les rochers, Et les murailles chez Plutarque? certainement

nement l'interprete de Lycophron est d'aduis, tout cecy auoir esté escrit fabuleusement de Lyncee, à cause qu'il auoit descouuert le premier aux humains le moyen de fossoyer les pierres, & les metaux des entrailles de la terre pour l'vsage commun. Et en ce sens ce grand Roy visoit iusqu'au centre de son Royaume. Et penetroit iusqu'aux plus secrets cachots d'icelluy, & ou il ne pouuoit estre en presence, il s'y trouuoit par puissance: par la terreur de son nom; par la Majeste de ses loix: par l'obeyssance de son peuple: par l'ordre de sa prudence, par les effets de sa clemence, par le brillant, & l'esmery de ses armes, par le bien-fai&t, & diuine influence de la paix fille aysnee de ses conquestes, vertu bienfaisante de son astre, paix qui à estably au milieu du Royaume l'abondance; planté la felicité, facilité les commerces, fécondé les terres, & les heritages, estançoné, & releué les familles, enrichy les Prouinces, accoyté les seditions, euenté les pretextes, estouffé les pretentiôs, fondé la liberté, restauré la religion, radressé les mœurs, estendu les limites, affermé le domaine, rasserené les mers, net-

toyé les chemins , barré les aduenues
muny les issues, fortifié les places , peu-
ple les villes, rebasty les citez & par dessus
toutes ses raretez de nostre astre, il à heu-
reusement maintenu, & puissamment re-
stably ces grands corps de Iustice, ces ad-
mirables parlements immediates influen-
ces des Roys, rayõs eternels de ce plane-
te, les sept planetes de ce Royaume, ima-
ges naturelles de la Majesté, Stylobates de
l'Estat, ornemens des fleurs de Lys, mira-
cles de Iustice, oracles des loix, yeux de la
Monarchie, Asyles du genre humain : le
plus sainct, le plus diuin, & le plus Au-
guste tẽple d'equité, qui se soit iamais veu,
& qui se puisse voir sur la face de la terre.
Toutes plusque celestes influences les-
quelles par la subordination de l'ordre
parfaitement Monarchique rendoient
& rendent tousiours le Roy presque per-
sonnellement parlant, & present par tout.
Car ils parlent de sa bouche comme Tre-
pieds d'Apollon, & comme les chaines
Dodonnees; marquent leurs souueraines
ordonnances du nom Royal; portent en
leurs mortiers les simulacres du Diade-
me, en leurs hussiers les effigies du scep-
tre, en leur robe la pourpre de Royau-

ré, en leurs tribunaux la preeminence du Throne. Si biẽ que tout ainſi qu'au temple de Iupiter Dodonee, les baſſins, tre-pieds, & autres vases ſacrez eſtoient tellement ſubordonnez, que l'vn eſtãt frappé tous les autres tintoient par l'eſtroicte ſubalternation qui eſtoit entre eux: & tout ainſi que les ſtatuéſ, Automates de Dedale tant vantees de Platon ſe mouuoient d'elles meſmes par les reſſorts inuiſibles de l'artificier. Auſſy le Roy par des dexteritez incognuës à tout autre qu'à luy, & par ceſte correfpondance ſinguliere des membres de ce grand corps, du Prince aux Parlemens, des Parlemens aux gouuerneurs, & principaux officiers du Royaume, & de ceux avec les Peuples ne bougeant de ſon cabinet, voyoit, oyoit contenoit, remuoit toutes choſes & tenoit en ſa main tous leurs mouuemens, & toutes leurs cadances.

C'EST trop de l'imménſité, mais iamais aſſez de la bonté autre propriété du premier eſtre, le premier, & le plus éminẽt (& ſ'il faut dire ainſi) le plus naturel ornement de la diuinité. Si n'eſt de beſoing de la définir plus ſubtilement, eſtant aſſez pour mon proiecẽt de la prendre

maintenant pour la perfection totale de l'essence diuine avec le rapport d'estre infiniment conuenable, & par resultat de propriété infiniment ay-mable, & desirable. Quand on nomme le Soleil, chascun sçait ce que c'est, aussi bien quand on parle de la bonté de Dieu. Icy ie me trouue comme esperdu ne rencontrant que merueilles, & esbayssemens, tant plus ie prens les longueurs, & toutes les dimensions de la bonté de ce grand Roy. Ou ie proteste n'auoir iamais rien veu, rien leu, rien ouy, de meilleur, de plus benin, & de plus debonnaire. Crayon le plus élabouré que ie descouure en luy, & la plus approchant de la Diuinité. C'estoit l'aimant qui attireroit à luy tous les cœurs les plus rudes, l'estuy enrichy de la pierre hors de pris qu'Alexandre trouua apres auoir subiugué le Roy de Perse, ou ce bon Roy ageantçoit toutes ses autres vertus: le compas qui arrondissoit le cercle de ses perfections Royales, le contre poix qui balançoit tout le reste de son genereux, & boliillant naturel: la Calamit qui luy asscura la miraculeuse paix plus avec douceur & avec conseil, qu'avec la

lance & le gantelet. Le charme, & le philtre qui luy enamoura ses subiects, le baume odorât qui euaporoit de sa Royale bonté, plus que celluy que prodigieusement, Plutarque faict sortir de la sueur, & du corps d'Alexandre; la Panthere odoriferante, qui luy appriuoisoit les plus irrecôciliables ennemis, ainsi qu'on diët que la Panthere par l'odeur de son corps se faict suiure, & courtiser de tous les animaux: en fin ça esté l'attraiët, qui à faict que le Clergé qui le redoutoit l'a desiré, la Noblesse, qui le laissoit, l'a choyfi, la Iustice, qui l'abandonnoit l'a maintenu, le Peuple qui le détestoit l'a recherché, avec telle passion qu'il à du depuis esté les vœux, le desir, le souhait vniuersel, voire les douces amours & les delices de toute la France, qui l'a aymé avec plus de passion, qu'espouse n'ayma iamais son espoux bien aimé. Que s'il y eust oncques Prince modeste en sa fortune, il l'a esté plus que tous, & luy estant iamais rien eschappé que modéré; dequoy ceux qui ont eu l'œil sur luy, & qui ont pesé de pres ses actions, n'ont peu assez s'esbayr, & ce qu'ils voyoient de leurs yeux ils le pensoient

estre vn songe , & illusion nocturne. Auguste feust admiré à cause d'un Cinna, auquel il pardonna plus d'une fois sa mort, qu'il auoit coniuree, la ou ce bon Roy ayant eu des Cinna presque autant que de testes en la France il les à tous receuz à misericorde, leur a donné la vie qu'il leur pouuoit oster apres ses victoires: & s'en estans trouuez qui le voyant môté au feste de ses cōquestes le vouloiēt animer à la vengeance, & au massacre du grand nombre de ses ennemis, il les repoussa genereusement avec ceste repartie digne certes d'un Prince tres-Christien.

QV'IL N'Y AVROIT PAS ASSEZ DE HAVTES FORESTS EN SON ROYAVME POVR DRESSER DES GIBETS S'IL LES VOULOIT CROIRE. le mesme presque disoit en diuers termes Seneque Philosophe louant la clemence d'Auguste d'auoir pardonné à tous ceux, qui auoient porté les armes contre luy. *Car s'il n'eusse pardonné à qui eust il commandé ?* Certes à personne: car il n'y auoit personne qui ne se feust bandé contre luy. Vne autre fois, l'un des plus remarquables de la cour de Parlement, qui s'opposoit à la

Majesté à ne recepuoir les Iesuites en France, adioustant que toutes les fois qu'elle porteroit la main à la bouche qu'il se souuinſſe du coup de Chastel, disciple des Iesuites (comme si vn maître pouuoit estre garant des bizarres humeurs de tous ses escolliers, vn capitaine de toutes les phrenesies de tous ses soldats, où vn Roy, de tous les excez de ses subiectz) c'est admirable Prince luy repartit sur le champ **QVE C'ESTOIT L'ADMONESTER PEV CHRESTIENNEMENT: QV'AV CONTRAIRE LA LOY EVANGELIQUE LVY COMMANDOIT DE PARDONNER ET ABOLIR LES INIVRES, DEQVOY IL S'ESTOIT TOVSIOVS BIEN TROVVE.** Et de vray qui se souuiendra comme on luy auoit basané ceste compagnie, que carnaciere, & sanguinaire, on la luy auoit charbonnee, iusques à luy persuader qu'ils auoient des escolles, où s'enſeignoit la tuerie des Roys, imposture cruelle, & iniurieuse non aux Iesuites, ains à toute la Chrestienté, & qu'à grád peine l'on pourroit croire des Margajas, Toupinamboux, & Tabajares, il iu-

gera que ceste bonté Royale , faisant litiere de toutes ces friuolles , & vaines apprehensions , qui neantmoins sembloient le toucher de si pres , & rappelant en son Royaume ceux qu'on luy auoit faicts si hideux , & si noirs , voire les aimant , & les caressant singulièrement , à monstre à ceste occasion vn chef-d'œuvre de clemence , iointe à vne admirable sagesse de s'estre donné le loisir de les recognoistre , & de descouurir luy-mesme l'atrocité des calomnies qu'on leur metoit sus avec tant d'appareil , & avec tant d'efforts de si puissants ennemis. Je ne doibs rien aux Iesuites, plustost tout bien compté , me doiuent ils plus qu'ils ne me rembourseront iamais; beaucoup moins atten-ie d'eux, où le dois attendre: c'est à la verité & à la conscience que ie dois ce tesmoignage pour les auoir cogneus fort particulièrement; & aiant tousiours estimé tresindigne, & iniuste de blasmer vn grand corps religieux pour les defauts , où encores les crimes de quelques particuliers d'une grande compagnie , qui pourroit ou m'auoir iniquement offensé en mon particulier, ou donné occasion au Royaume,

& au public de se plaindre d'eux. N'estant
raisonnable que le college sacré des
Apostres soit taré par la perfidie , & de-
testable parricide de Iudas , ny vne
société religieuse établie de Dieu pour
le bien du Christianisme , par les de-
uoiemens de quelques bizarres esprits
qui se seroient licentiés ou de la plume
ou autrement a faillir hors des limites de
raison , & de religion ; qui deuoient estre
punis en leur personne s'il estoient con-
uaincus de bonnes preuues , & non char-
ger vn grand nombre d'innocents , qui
ne pensent rien moins qu'à tout cela. Pa-
ris d'autre part sera tesmoin irrecusable
en l'éternité, de la moderation & clemen-
ce de ce Prince victorieux , quand lors
de sa reddition l'on veist toutes choses si
modestement conduittes qu'au milieu
des armes tout y estoit en repos, & com-
me disoit Auguste a Cinna, *les vaincœurs
portoient enuie aux vaincus.* L'ennemi
estranger sortoit file a file autant assésuré
sous la sauuegarde de ceste clemence,
que sous les casernes de Madril : il
ne s'espandit iamais vne goutte de sang,
& vist on Paris pour lors le microcos-
me de l'Europe, siege de l'Empire Fran-

Salluste.

çois , domicile honnorable de la Majesté , seiour agreable de la Royale serenité, changé en theatre de clemence spectable a tout l'vniuers. Aussi a-il fait veoir en effect, ce que vn bon escriuain ancien disoit par maxime asseuree d'estat, *Que ceux qui ont temperé leur commandement avec douceur , ont esprouué en leur estat toutes choses belles & plaisantes.* C'est icy la pierre Philosophale d'estat la douceur, & la bonté qui change les plus brutes metaux de haine, en fin or d'amitié, & de paix, puisque Cleomenes ne dit iamais mieux qu'en escriuant, que c'estoit le propre des grands Roys non seulement de bien faire aux amis, mais aussi des ennemis en faire des bons amis: spectacle certainement plus beau que ceux qu'on voyoit a Rome quelques fois, les Empereurs triomphans faisans atteller a leur char triomphal des Lions, des Elephans, des Alicornes, la ou ce grãd Roy chargé de palmes, & de Lauriers amené ses triomphes sur la souplesse des esprits les plus farouches de son estat, les domestiquant, & appriuoisant a force de clemence. Car tout ainsi que le Fauconnier qui dresse, & affaitte son oyseau avec douceur appriuoise, ce qu'estoit

fauuage auparauant , ainsi en est il des Princes qui gaignent les cœurs des hommes au leurre de leur bonté , lesquels esforcez par la rigueur , romproient les longes, prendroient le vent, & ne voudroient iamais s'assubjetir , & venir sur le poing. C'est le cocher des Roys, qui aux rudes descentes modere la vifteste de leurs grands cheuaux , & avec l'enrayoir de la raison, les engarde de se precipiter. Philippe pere d'Alexandre se concilia Nicenor , & Arcadion par bien-faiçts, & par amour, non par faste & rigueur; si disoit ordinairement qu'il falloit guerir les vlcères des hommes. plustost par medicaments lenitifs , que par les aigres , remedes : plustost par les regles de Paracelse , que par Aphorisme d'Hypocrates; a cause que souuant ces poudres mordicantes , & ces adustions , empirent, le mal au lieu de le guarir, & y apportent de la gangreine. Le Roy des mouches a miel n'a point d'aiguillon , ou s'il en a il n'en vse iamais, exemple que Tybere le ieune dōnoit à maurice l'Empereur pour luy apprendre a deüement s'acquitter de ceste grande charge. Les ames diuines n'ont point de fiel , pour ce qu'elles sont

Nicephor

76.

toufiours nouries de Nectar , & d'Ambrosie. Les Lis n'ont que douceur, & aux fleurs , & aux feuilles , qui faiët qu'elles sôt plus recherchees par les abeilles, que toutes les autres fleurs a ce que diët Virgile. Qu'est-il de merueille si HENRY LE GRAND le Roy & le mignon des fleurs de Lis a esté tout de miel , & que tous ses subjets les plus escartez l'aient recherché par effeims , & doucement sauouré? Qu'elles coronnes , quels triumphes, quelz priuileges , quelles acclamations, quelle gloire , rapportoient ceux en la republique de Rome. pour auoir sauué iusqu'à vn seul citoyen? que s'il falloit coronner ce vray Pere de la patrie d'autant de coronnes qu'il a gardé de bons citoyens, qu'els chefnes ne seroient esbranchez pour luy ombrager la teste ; ains quelles forests d'Ardène pourroient suffire à ses merites? Et pour ne dire rien des particuliers en nombre presque infini qu'il a reestablis en leur fortune, quel abisme de bonté , quel miracle de clemence se trouue caché soubz le seul Edict qu'il à faiët contre les Duels, Edict conçu dedans les Idees diuines , ésclos par le saint esprit, minuté si solidement, stipulé avec tât de Majesté, promulgué avec

O B C I
V E I S
S E R V A
T O S.

tant d'autorité & de puissance, protesté
avec tant sermens & tant de vœux. A V
DIEV VIVANT? Ah pauvre Roy! à cōbien
de veufues, par ce diuin edict avec vous
renduleurs maris! à combien d'orfelins
leurs Peres! à combien de familles leurs
chefs! à combien de Noblesse leurs lu-
stres! à combien de Prouinces leurs gou-
uerneurs! à combien de Peuples leurs
supports! à combien de morts la vie! à
combien de damnez le Paradis! depuis
vostre aduenement à la Couronne ne pou-
uant encore resister aux coustumes in-
ueterrees, ny arrester le torrent de tant de
siecles, on comptoit dedans les cayers de
vostre Chancellerie plus de dix mille
graces donnees pour auoir tué en duel,
sans compter ceux qui n'en ont point
demandé, ou pour s'estre sauuez, ou
pour estre demeurez sur la place, tous des
plus courageux, & des plus illustres de
la Noblesse. Vous auez banny ceste
boucherie, & par ceste seule action vous
estes acquis le surnom du Pere de la pa-
trie, estant autant que d'auoir engendrez
ceux qu'auiez par ce moyen empesché de
mourir corps & ame. Ainsi toute la na-
ture cree, & incree vous en benisse, &

vous en remercie. Dieu le Pere vous benit de ce que par vostre moyē la facture & son image, chef d'œuvre de sa creation, que la rage de ces meurtriers deffiguroit à tout moment, est restaurée par la Majesté de vos Edicts y faisant reluire la puissāce la plus absolue de vostre Sceptre, puisque vous avez peu mettre à chef ce que vos predecesseurs auoient toujours creu leur estre impossible, & avez resuscité autant de morts, que de viuans vous avez empesché l'escorcherie. Le verbe Eternel faict chair vous en benit pour auoir vendiqué son sang quel'on fouloit aux pieds, renuersé l'autel de Baal, de Moloc & de Diane que toutes les furies auoient dressé contre le sien, sauué vn nombre infiny d'ames racheppees de son sang pretieux qui mouroient ineuitablement damnees, & desesperés en leur enragé anatheme, ou vous avez estallé autant de sagesse à conduire & affectuer ce grand dessein qu'il en logea iamais en la teste des Catons anciens, & peut estre des pacifiques Salomons encore. Le S. Esprit vous en distille ses celestes rosees pour auoir arboré au meillieu du Royaume la palme d'amour, d'vnion, & de cha-

rité Chrestienne, & changé le fiel d'une malice monstreuse, & diabolicque en bonté, & societé humaine, y ayant fait paroistre la quinte-essence de vostre grande bonté, & d'un excessif amour envers vos subiects. Le S. Siege, & la Chrestienté vous en rendent graces immortelles d'avoir osté l'opprobre, & l'infamie eternelle du milieu du Christianisme, l'idolatrie formelle, & effroyable du cœur des baptisez, l'infidelité, & l'atheisme de la poitrine de ses enfans. La nature humaine vous en remercie, qui y estoit la premiere oultragee d'avoir chassé de son sein l'Anthropofagie la plus execrable qui fut iamais, & réparé l'ouvrage de la nature que le diable meurtrier & assassin dès son origine alloit deschirant, & aneantissant à toute heure. Vostre France vous en dresse des trophées, des obelisques & des arcs triomphaux, vous couronne d'immortelle, & glorieuse reconnaissance, & prosternée à vos pieds vous fait offre de son sang que luy avez estanché, sang qui exondoit par tous les endroits de ce pauvre Royaume avec la ruse des estrangers, le contentement de nos ennemis, le fouhait de tous les

demons qui seuls se baignoient, & faisoient carolles de voir les torrens du sang le plus pretieux, & le plus noble du globe sublunaire profaner, & ensanglanter la blâcheur de nos Fleurs de Lys. La Noblesse Frâçoys se vous dedie ses vies, pour auoir garanty puissamment les siennes, le peuple en eschange vous consacre son cœur pour luy auoir conserué ceux qui le protegent, & le conseruent, le Clergé vous en chante des hymnes pour auoir expié ses Cemetieres, & ses temples sacrez d'un infiny de sacrileges qui les polluoient, & les incestoient malheureusemēt. Et le tout pour ce point d'honneur, point indiuisible qui n'a aucune dimension, ny substance vraye, confession & condamnation de leur rage, & de leur manie, ayant esté dict par le Ptophete d'eux *& in puncto ad inferna descendunt.* Poinct d'ou depend vne eternité interminable de maux qu'ils ne croyoient pas, ou s'ils le croyoient, ils ne les pouuoient estimer pour la manie qui leur offusquoit la raison, & le sens. Mais comme vn Endymion endormy, & trauy doucement de l'Angelique Harmonie de ceste maiestueuse clemence, peut estre m'y arreste ie

stay-ie par trop desrobât le temps. qui est
deu à pefer le dernier crayon de diuinité
qui sa presente trefeminant au front de
ce Monarque.

Vous me deuancez & croyez en vostre
ame que c'est la saincteté, vertu autant
essentielle à Dieu, qu'accessoire, & acci-
dentaire aux hommes, estant Dieu Sainct
de son essence, le Sainct des Saincts, qui
n'ayme, & ne prise que la saincteté, n'ab-
horre, & ne deteste rien que ce qui luy
est contraire. Voire, mais que dirons
nous de la Saincteté de HENRY LE
GRAND? inuokerons nous le Dieu
ὁ πρὸ πάντων hesiterons nous comme So-
phistes cerchans les issues, & les entrees
de leurs perplexes harangues? Nous
tournerons nous en tour dedans ce pou-
pitre, comme Demosthene au milieu de
ses Enthousiasmes Rhetoriques? Le Roy
de France est il Sainct? Le plus Sainct
de tous les Roys du monde. HENRY
LE GRAND est il Sainct. Attendez, sus-
pendez vos opinions, vous le verrés,
vous le toucherez, vous en iugerez.
Je ne diray rien que tous ne sachiez; ie
vous prens non seulement pour tes-
moings oculaires, ains pour iuges sou-

uerains de mes veritez , pour à ce coup faire rougir la calomnie estrangere , estoufer l'enuie , euaporer les soupçons euanter les artifices des ennemys de la France. Icy il faut que l'enuie se taife. Le seul Roy de France de tous les Monarques de la terre cognüe , à tous les precipus , & toutes les preeminances de Sainteté , & de religion. Lors du Baptisme de Clouis premier Roy Chrestien Dieu enuoya du ciel l'Ampoule miraculeuse du SaintHuile qui sert iusques au iourd'huy au sacre de nos Roys , & duquel Clouis fut oint le premier en son Baptisme. Aymonius l'un des plus anciens des plus graues , & des plus autorisez escripuains de nostre nation , escrit que le SaintEsprit paroissât en forme de Colombe apporta ceste diuine onctiō la remettât entre les mains du prestre qui pre-
 paroît pour le Roy les fōds Baptismales. Hincmarus Euesque de Rheims , fort ancien en dit tout autant , & quand il n'y auroit rien que la protestation , qu'en a fait vn Royaume entier , & tous nos Roys des plus sages , & les plus Chrestiens Princes du monde , ce seroit trop de preuue. Ioint que le Pape Hormisdas

*Aymonius li. 1.
chap. 6.*

proche de ce temps la, tesmoing le plus
 graue qu'on scauroit alleguer en ceste
 matiere, adiousté que Clouis, Clotilde
 sa femme, & saint Remy, se trouuans
 ensemble à l'Eglise. *Repent lux copiosa, to-*
tā repleuit ecclesiā, vt claritatē Solis euinceret. Voyez, Baro-
Sur le champ vne grande lumiere rēplittoute nus.
l'Eglise, qui surpassoit la lumiere du Soleil. Et
 assure ce grād Pontife, que les miracles
 aduenus en ce temps la, estoient compa-
 rables à ceux du temps des Apostres.
 Quoy la fondation authentique du mo-
 nasterie de Ioyenual, avec la commune
 voix des anciens Annalistes François ne
 rend elle pas tesmoignage irrefragable
 que les fleurs de Lys de l'escusson de
 France, furent semblablement enuoyees
 du ciel au Roy susdit estant à Monjoye?
 Qui a faict que Chassené compare fort à
 propos l'Escu Royal composé des fleurs
 de Lys d'oren champ d'Asur, au ciel
 estoillé d'où ceste Monarchie a prins
 sa source? Quoy le don de miracles que
 toute la Chrestienté & tant de siecles
 ont recogneu estre en la main de nos
 Roys, & que les Escriptuains les plus en-
 nemis de ce Royaume ne leur ont ia-
 mais osé ny peu dénier ne se pouuant

Chassené
in Cata-
log part
5. Conf.
31.55.4.

démentir l'expérience sensible, & iournaliere de tant d'annees ? N'est-ce pas demonstration plus que Mathématique, qu'il y a du diuin & de la saincteté en ceste Couronne ? Il n'y a celuy en toute l'Europe qui ne sçache, n'aduouë, & ne voye, que les Roys de France, guerissent des escrouelles mal incurable de foy, & rebelle à tout autre remede. On a veu de tout tēps le grād concours de toutes les natiōs estrāgeres, pour receuoir ce bien fait de la main Royale, qui les guerit les touchāt seulement, apres des grands preparatifs de deuotion, Ieufnes Aumosnes, expiation, & cōfessions des pechez, en disant pour toute formule. **LE ROY TE TOUCHE, DIEU TE GVERIT.** Que si l'experieēce n'y eust esté oculaire, quel eust esté le Roy qui se feust oncques voulu soubmettre à ceste ceremonie, & ne l'eust rejettee avec l'aduis de tant d'admirables Theologiens qui ont tousiours esté en ce Royaume, comme superstitieuse, & indigne de leur maiesté. Mais quel priuilege miraculeux de saincteté qu'il n'y ait iamais eu vn seul Roy (depuis douze cens ans que ceste Monarchie fut establie) qui

aye fait professiõ ny peu ny prou d'autre religion, que de celle de la vraye, & vni- que seule S. Eglise Catholique, apostoli- que Romaine? quel Roy de tout le mōde se peut attribuer ceste merueille que le Roy des François. Aussi le seul d'entre tous il est sacré de la main de Dieu, du- rant la grād' Messe, avec ceremonies plei- nes de saincteté, receuant à genoux, les mains ioinctes, la Couronne de la main du Prelat, qui luy represente la main de Dieu, & protestant la receuoir du Ciel, non de la main des hommes, vray oinct, & Christ du Seigneur, d'ou il a tant de siecles y a, le nom hereditaire de TRES-CHRESTIEN, & pour tout blazon de ses armoyries, P A R L A- GRACE DE DIEV ROY DE FRAN- CE. Et pour priuilege vnique par dessus tous les Princes de la terre. D E F I L S PREMIER NE' DE L'EGLISE, combien que à la verité nos Roys se sont acquis ce dernier priuilege de saincteté par leurs merites qui les rendent aussi saints par eslection, & par merite, que ces autres merueilles par faueur speciale du Ciel. Ils ont tousiours maintenu le sainct Siege, & la religion Catholique, au pris de leur

sang, au hazard de leur vie : ont tramonté les mers avec puissantes armées, pour en extirper les ennemys , & la planter aux terres estrangeres : ont trauersé les Alpes, & l'Apénin, pour secourir le Siege & le successeur de saint Pierre, qu'ils ont avec vn soing infatigable, aggrandy de leurs moyens, affranchy par leurs armes, estably par leurs victoires , & ce avecques passion plus qu'hereditaire. Qui a fait que les Saints Peres reconnoissans ceste obligation , leur ont tousiours donné le premier rang, entre tous les Potentats de la Chrestienté, (comme ils le deuoient) les ont ornez de grands priuileges, qui ne sont qu'à eux seuls : leur ont donné des Eloges qui ne sont propres qu'à eux. Innocent troisième les appelle. *Les plus deuots & obeissans au S. Siege, entre tous les Roys Chrestiens.* Honoré III. *Remparts inexpugnables de la Chrestienté.* Gregoire IX. *Les trousses & les carquois de Iesus-Christ, d'où il tire les fiesches infailibles, pour subiuguer à la foy les peuples & les Royaumes.* Le mesme *Les tres-Chrestiens, entre tous les Roys.* Urbain IV. *Princes signalez en pieté, Tres-Chrestiens, & les plus eminens en merites,*

*champions invincibles de I E S V S C H R I S T ;
& protecteurs inexpugnables de la Religio Catholique.* Excellences , & passedroiets des Roys de France , plus eclatans , que les diamans , & les escarboucles qui brillent en leur Diademe. Que si ces marques de sainteté sont communes à tous ceux , qui ont esté couronné de la fleur de Lys , si sont elles si propres au Roy deffunct , qu'elles ont autant où plus paru en luy , qu'en aucun de ses ancestres. Les Grecs recitent d'Hercules de choses grandes , & genereuses , & croid on qu'ils ont ramassé les merueilles de plusieurs Roys pour en faire vne Idée parfaite qu'ils ont nommé Hercules , comme Xenophon en a dressé vne autre qu'il a nommé Cyrus. Hors des grands faicts de guerre ils font cest Hercules infiniment religieux , qui ne iura iamais qu'une fois , & luy font vn autel commun avec les Muses. Outre que les Roys de Nauarre ont leur origine d'Hercules , le feu Roy en ses deuises n'auoit rien de plus commun que la massue d'Hercules depeinte en ses galeries , brodee aux hocquettons de ses gardes , grauee en ses medailles , esmaillee sur ses armes , cōme le grand Alexandre imitoit tant qu'il pouuoit Hercules , beuuoit en

sa coupe, se vestoit comme luy, contre-
faisoit ses demarches, & ses troignes. En
mon labyrinthe Royal, que ie proie tray,
& mis au iour en Auignon pour l'entree
de la Royne, i'ay poursuiuy viuement
vn monde de paralleles du Roy, & d'Her-
cules. Ceste cy me contente d'auoir ma-
rié la valeur avec la pieté, & coronné les
hauts faiçts d'armes par la religion, & le
culte deu à Dieu. Il à touché presque
toutes les annees de son Regne vn nom-
bre incroyable de malades, qu'il à gue-
ris accourants à grandes foules de l'Ita-
lie, des Allemagnes, & sur tout le plus
grand nombre des Espaignes, d'ou ses
Ambassadeurs ont enuoyé par actes pu-
blics les grandes listes de ceux qui auoiēt
este recognusi iuridiquement auoir receu
la sâté de la main Royale; il s'est veu iour
qu'il en à toudché à la grâde salle du Lou-
ure iusques à douze cens, avec vne peine,
& deuotion indicible. Pour le zele, &
obeissance au sainct siege Apostolique, il
se trouuera enregistre à la posterité, & à
l'immortalité au nombre des Roys qui
l'ont deuancé en ce zele non de volonté,
mais de tēps & de siecles. Clement VIII.
de tresdouce memoire en ce Royaume
ayant

ayant trouué obstacle à son droict, qu'il auoit sur Ferrare, sa Majeste luy presenta, la pressa, voire l'importuna d'accepter ses moyens, ses forces, & sa personne propre: il n'en fut de besoing, & crois que ses offres en furent cause en partie. Mais quel plus grand tesmoignage enuers le saint siege Apostolique, que d'auoir desiré que ce qu'il auoit le plus cher en ce monde luy fut comme commun avec sa Sainteté, d'auoir choysy pour parrin de son ayné, heritier de ses coronnes, Clement V I I I. qui le tint sur les fonts en la personne de ce grand Cardinal, l'honneur du Consistoire sacré, l'ornement de la France, la gloire de nos siecles M^{seigneur} le Cardinal de Loÿeuse, duquel sa Maïesté s'est tousiours seruie au plus importantes affaires de la Chrestienté? Aussi Paul V. oyant la nouuelle de sa mort luy qui n'auoit ietté vne larme à la perte de son propre frere, qui luy estoit trescher, pleura amerement, passant toute la nuit en larmes, & en prieres: luy fist faire des exeques très-solennelles au Vatican, dict luy mesme plusieurs Messes pour son ame, ne se pouuant consoler, ny assez lamenter sur vne

telle perte. Saint Louys passa outre mer pour estendre la Foy, avec toutes les forces de son Royaume. H E N R Y sans bouger de son Louure à dressé aux portes de Constantinople vne belle maison, & sainte colonie de Iesuites pour le soulas des pouures Chrestiens oppressez en ce pays-là: en à enuoyé d'autres colonies en Canada, à la nouuelle France, & ailleurs pour le maintien, & propagation de la religion Catholique: à eu le soing propre des Roys de France de faire redresser les pouures Eglises desolees au mont de Caluaire sur le saint Sepulchre, en Bethleem, & autres lieux sacrez ou l'impieté supprime tant qu'elle peut les vestiges de nostre salut. A rachepté vn grand nombre de Chrestiens esclaves en Turquie, & le grand Turc poussé de ses fougues marranesques ayant ordonné de bannir, & massacrer tous les Chrestiens de la terre sainte, & d'y abolir, & raser res pied res terre tous les lieux sacrosaints, & diuines masures, sa Majesté l'en empescha à la bonne heure par l'entremise & diligence de Monsieur D E B R E V E S personnage de grand merite, & de rare prudence pour lors son Ambassadeur en

Constantinople, & maintenant avec la
mesme charge en la cour de Rome, heu-
reux, & remarquable en l'une, & l'au-
tre Ambassade tout ce qui se peut. Mais
qu'elle plus grande merueille virent ia-
mais nos maieurs, que celle, que toute
l'Europe à veu, & admiré en celle de
HENRY LE GRAND ? que de mira-
cles parfaicts y descouvrons nous à veüe
d'œil ? tant à son establissement au Royau-
me, qu'en sa diuine resolution d'embras-
ser la Religion de ses progeniteurs ? Et
c'est icy ou les traicts du pinceau de la Di-
uinité se signallent le plus : car Dieu, qui
en ses plus diuines actions opere touf-
iours par les contraires, & non par les
semblables, ouurant les yeux à l'aveugle
auecques le crachat, & la boüe, dōnant la
gloire de la beatitude par l'infamie de sa
croix, nous rehausant par son humilité,
& nous resuscitant par sa mort, à esleué
tout à coup cet Heros de nos siecles à la
Coronne & à la vraye Religion, par les
voyes toutes contraires au commun de
la nature, & des hommes. Et tout ainsi
qu'en la naissance, & Horoscope des grā-
des ames, l'on void force contraires dis-
positions de Saturne, & de Mars, & for-

ce mauuais aspects, qui menassent de mille, & mille rencontres d'infelicité : mais apres qu'ils ont roulé, & delaché leurs sinistres regards, finalement s'esuanouissent, & l'aissent Iupiter dominer à son aise: de mesme à il esté porté à ce souuerain Zenit, & haut grade d'honneur, ou Prince autre que luy ne s'est veu de plusieurs siecles, par toutes sortes de contrarietez, & trauerfes. Tout ainsi qu'un nauire bien brayé, & poissé, bien armé, & enuitaillé vogant sur mer, le vent en poupe, se void à la fin gaillardement assailly de la tourmente, inuesty des vagues, & des flots, & en tout tel desarroy que Maxime Tyrien en ses Harâgues nous descrit le bienheureux vaisseau du Roy Aretas : les vents opposez le battent, & le rebattent de toutes parts ; enflent les ondes, qui escument, & bruyent tout à l'entour pour l'engloutir : & pendant qu'ils luttent, & contestent contre les voiles, le mast, & les Antennes, voicy vne Tramontane collateralle, donnant puissamment à la Boline, qui le pensant renuerser, le porte à pleines voiles, comme l'on dict, à voguer rancade, à un port asseuré. Ainsi le port honorable de la Royauté reçeut ce

grand Roy, bourfouflé, & affally de tous vents opposites, & le party le plus violent, qui le cuidoit brifer, & abyfmer, l'a pouffé finalement contre fon esperance au port de la Majesté, & qui plus est au Haure de grace, & aux Ifles fortunées de la religion Catholique, ou il à esté receu avec l'applaudiffement du Ciel, & de la terre, des Anges, & des hommes, du Royaume & du saint Siege le prosperât de toutes les benedictions Apostoliques, ce qui ne s'est peu faire fans vne prouidence miraculeuse de Dieu, & sans faire esmerveiller tout l'Vniuers, spectateur de nos dangereuses Tragœdies; en quoy pour ne l'exaggerer d'auantage me fuffit la confession & l'adueu de toute la Chrestienté. Qui a faict exclamer vn des plus grands Prelats de toute l'Europe, Monseigneur le Cardinal du Perron, vraye merueille luy mesme de tous les diuins esprits de ce siecle, & grauer ce bel eloge, de HENRY LE GRAND, en l'eternité, enchassé dedans l'immortel esmail de ses vers admirables. LA MERVEILLE DES ROYS, ET LE ROY DES MERVEILLES. Cōbien que de vray, pour ce qui est de sa reünion à l'Eglise Catholique, i'ose dire

que iamais il n'en auoit esté du tout aliéné, & ce plustost par education inéuitable, que par eslection de volonté. Nous sçauons qu'ayant succé avec le lait la nouuelle doctrine, né, & nourry en icelle, dés aussi tost qu'il se vid en l'aage capable de discours & de raison, il tascha de trouuer les moyens de se ranger à vne meilleure escolle, s'accosta des plus doctes Prelats Catholiques de ce Royaume pour s'en instruire & en fin se rendit si importun à sa Saincteté, pour auoir sa paternelle benediction, qu'il rompit toutes les barrieres que ses ennemis luy auoient dressé de ce costé là: enuoya à ces fins, à Sixte V. Monsieur de Luxembourg: à Gregoire X I V. le Marquis de Pisani, à Clemét V I I I. Monsieur le Cardinal de Gondy, grand & puissant pillier de la Majesté Françoisé, & organe tousiours trespassionné de nos Roys: & puis Monsieur de Neuers, & enfin Monsieur d'Eureux, maintenât Cardinal du Perron, quil'emporta & reçeut au nom de sa Majesté, la benediction Apostolique, avec toutes les formalitez & diuines ceremonies, pompes & magnificences Royales, qu'il appartenoit à vn acte le plus merueilleux

qui se soit veu de douze cens ans & apres
Clouis, en ce beau theatre de France. Et
est vray qu'estans appelez par son com-
mandemēt Messieurs les Prelats de Bour-
ges, du Mans, de Nantes, & d'Eureux,
pour l'instruire, il leur dict n'en auoir
point de besoing, sur la reelle presence du
Sauueur au reformidable Sacrement de
l'Eucharistie, d'autant qu'il l'auoit tou-
siours creuë, ny de l'Authorité du sainct
Siege Apostolique, & de l'Eglise Romai-
ne de laquelle il n'auoit iamais doubté,
quelques ombrages qu'on luy en eusse
voulu donner, tesmoignage infailible,
que tout ce qui en auoit esté du contrai-
re, n'auoit esté que par education, & par
force. Qui fut la cause, que plus facile-
ment il embrassa le reste de nos veritez,
& qu'il recogneut du depuis ce benefice
auoir esté le plus grand qu'il reçeut ia-
mais de la main de Dieu, voire fit
demonstration que ç'auoit esté la porte &
la source de toutes ses prosperitez, signā-
ment de la reünion de tout son Royau-
me, & s'en monstra tres-recognoissant
enuers le sainct Siege. Dequoy ie ne veux
autre preuue que l'oracle de sa bouche
Royalle, que ie veux rapporter icy pour

trophee eternel de la candeur & sincerité de la Religion, & de son ame, extraict de l'Edit de Iuin, fait pour M^{seigneur} le duc du Mayne, l'ã 1596. EN QVOY COMME NOVS AVONS TRES-GRANDE OCCASION DE LOVER DIEV ET MAGNIFIER AVSSI L'EQUANIMITE' DE SA SAINCTETE' POVR AVOIR PAR SA PRVDENCE ET BONTE' CONFONDV L'AVDACE ET MENSONGE DE NOS ENNEMYS NOVS NE L'AVONS PAS MOINDRE D'ADMIRER LA PROVIDENCE DIVINE, EN CE QV'IL LVY A PLEV FAIRE QVE LE CHEMIN DE NOSTRE SALVT AYE AVSSI ESTE' CELVY QVI A ESTE' LE PLVS PROPRE POVR GAGNER ET AFFERMIR LES COEVRS DE NOS SVBIETS ET LES ATTIRER A NOVS RECOGNOISTRE ET OBEYR, COMME ILS'EST VEV BIEN TOST APRES NOSTRE REVNIION A L'EGLISE ET TOVSIOVRS DE PVIS CONTINVE. Protestation Royale, digne d'estre grauee en vn obelisque à part abboutissant à l'immortalité & d'ou nous descouurons d'une part la pieté recognoissante de ce Prince, & de l'autre

l'autre la douce , & particuliere providence diuine qui à reluiſt ſur ceſte belle ame, ſi excellemment , qu'il ſemble que Dieu ſe ſoit pleu à l'embellir , & à la cultiuier de ſes plus diuines graces. pouuant dire avecque verité que çà eſté la fleur De Lis-Euangelique de laquelle le Sauueur meſme diſoit , *Conſiderez les Lis des champs , comme ils croiſſent : Ils ne trauaillent , ny ne ſilent , & ſi vous diſ que Salomon avec toute ſa gloire ne s'eſt ſi richement veſtu que l'un d'iceux.* Ca eſte le vray Lis , Roy de la fleur de Lis , non cultiué de main d'homme en vn parterre , ains tecondé ſeulement du champ de la diuine tige de S. Louys , & de la roſee , & influence celeſte , & embelly de grace , & de gloire pardeſſus tous les Roys , & Salomons de la terre. Fleur ſi odoriferante , qu'à ſa ſeule odeur , incontinent apres ſa réunion , nous auons veu trois cens villes , & plus de ce Royaume receuoir l'Exercice de la Religion Catholique , qui en eſtoit banny ; plus de ſoixante mille du contraire party reconciliez à l'Egliſe , tant à ſon exemple , que par l'efficace , & prudence de ſes Ediétz : renuoyant comme le bon miroüer la belle face à ſon autheur , & ayant fort ſou-

uant ce beau mot en la bouche: QV' IL
COGNOISSOIT ASSEZ LES GRACES
RECEVES DE DIEV, MAIS NE LES
RECOGNOISSOIT COMME EL-
LES LE MÉRITOIENT. Au-
tresfois. QV' IL NE TENOIT SON
ROYAVME QVE DE DIEV ET DE
SON ESPEE. Mais bon Dieu specta-
teur, & auteur de ces diuines actions!
avec quel zele & contentement voyoit il
reduire les desuoyez à la Religion Ca-
tholique, il en vouloit auoir les Ca-
tha!ogues de la main des predicateurs, &
ne se peut dire avec quelle satisfaction
d'Esprit il oyoit le nombre des conuertis.
Toute la cour l'aveu luy mesme s'en-
querir volontiers des gens doctes, des
textes les plus exprez pour combattre
l'erreur, croyant que ioincts à son autho-
rité Royale ils auroient plus de pois les
leurs obiectant, ce qu'il faysoit fort sou-
uent, & avecque succez, estant chose in-
dubitable(dequoy i'appelle à tesmoing
tout le Royaume) que de son Regne ou
par son exemple, où par ses poursuittes,
& diligence se sont plus conuertis des er-
rans à la foy, que du temps de tous les au-
tres Roys despuis l'origine de ceste do-

Strine. Je dis des Ministres des plus celebres, & des plus sçauans; des Gētils hommes, & grandes Dames des plus illustres; des plus Grands, & remarquables gens de cour, & de robbe longue, avec vn nombre innombrable de peuple qui se reduisoit de toutes parts. La seule conuersion de Monsieur Hilaire gētilhomme reconnu qui aduint n'aguieres fut suiuite de plus de cinq cēs, qui se remirent à son exēple, pour ne dire rien du grand nombre des autres: que quasi tout le monde cognoit par nom, & surnom. Au reste iamais du viuant des autres Roys tous ensemble on ne vist bastir tāt d'Eglises, de monasteres, & d'hospitaux que de son temps, ny tous les ordres religieux, receuoir plus generally la reforme, de laquelle il a esté tousiours le protecteur, ne pouuant supporter la vie dereglee de ceux qui ne uiuoient selon l'austerité de leur regle. Ses colloques ordinaires avec les Iesuites, & Capuchins, estoient des moyēs qu'il falloit tenir pour auoir & maintenir vn grand nombre de Predicateurs: à quoy il les exhortoit & les pouffoit, voire les instruisoit viuement adjoustant que c'estoit le seul moyen, & non les armes qu'il

falloit tenir pour réunir en brief tous
ses subiects , à la Religion Catholique.
Dequoy il traittoit si particulierement &
avec tant de soin, comme s'il eust esté l'un
des superieurs de ces Religions. Et quoy
le seul reſtabliſſement des leſuites en Fiã-
ce de combien de cõuerſions aux mœurs
& à la religion à -il esté ſuiuy ? ceste ſeule
action ne ſuffit elle pas pour recognoiſtre
quel zele il auoit à la foy Catholique eſtãt
choſe notoire que ce ſont les fleaux que
la nouuelle doctrine de Calvin à redouté
& reſſenty le plus & afin qu'on ne ſe iette
ſur les pretextes d'eſtat pour gloſer ma-
licieuſement les intentions de ce grand
Monarque, par quel moyen pouuoit il
plus efficacemẽt deſcouurir le plus inte-
rieur de ſon ame, l'integrité inuiolable de
ſa pieté & religion, que d'auoir donné, &
voüé ſon cœur (ſeul teſtament qu'il aye
iamais faiët en ce monde) à la meſme
compagnie des leſuites, compagnie re-
ligieuſe, & Catholique, luy auoir fon-
dé & baſty à ceste fin vn Coliege Royal
à la Fleſche avec magnificence Royale,
pour tombeau du plus genereux du plus
grand, & du plus capable cœur qui fut
au monde ? Incontinent apres le funeſte

trespas du Roy, la Royne le leur deliura: vne vingteine d'entre eux le porterent audit lieu de la Fleche; il y est, il y gist, le tout s'est passé à la veüe de ce grand monde de France, ô la Fleche heureuse, ô Fleche desormais la plus capable, la plus riche, la plus grande ville du Royaume, puis qu'en ton sein tu contiens enclos le plus grand, le plus heroïque, & le plus preueux, & courageux cœur de toute la France! quel heritier ne te portera enuie soit ce l'heritier du sceptre, & de la Couronne mesme? puisque ce cœur surpassoit en pris & en valeur tout le Royaume, veu qu'il auoit subiugué le Royaume? que peut dire l'enuie, & la calomnie quand bien effrontémēt elle voudroit a credit se donner carrière de mētir? d'ou peut on recognoistre la piete du cœur que par le cœur; qu'elle peruersité des enfans d'Adam de vouloir iuger de l'interieur qu'ils ne voyent pas reserué à Dieu seul, lettres closes mesme pour les Anges, & passer les œuures les plus palpables & sensibles qui leur battent en parfaicte pyramide la prunelle de l'œil? Quoy le reste de la deuotion exemplaire, & pieté Chrestienne, remar-

quee de tous en ceste ame Royale, n'aura elle encore peu dompter la licence effrenee de l'impie, & sacrilege mesdisance? j'ay sçeu de ceux qui ont intimément eu charge de sa conscience, que se soubmetant à la confession, & diuine homologese de ses pechez, il le faisoit avec tant d'humilité, tant de souspirs, tant de ressentiment & de douleur de son ame, qu'il n'estoit croyable qu'à ceux qui l'auoient veu. Iamais presque ne l'a on veu approcher du tres-auguste Sacremēt de l'autel que la larme à l'œil, & avec vne foy plus que vulgaire, il oyoit la Messe tous les iours avec signification de grande deuotion, & recollection interieure, nous l'auons veu souuant oyant la parole de Dieu, sur tout aux discours de la predestination & reprobation, & des secrets iugements de Dieu, ietter les grosses larmes, & les souspirs. Ce furēt sans autre les predications & les iustes clameurs, & ordinaires inuectiues des predicateurs qui l'esmeurent à entreprendre de faire l'edict des duels, entreprise la plus hardie & la plus mal aysee, qui peut estre pour lors. On n'a iamais leu que Roy tres-Christien aye apporté plus de soin à pour-

voir gens capables des Eueschez que luy;
il en faisoit estat, & si quelque foys l'im-
portunité des grands le pouloit au con-
traire, il en receuoit vn grand desplaisir
& aux occurrēces leur en faisoit le repro-
che. Que scauroit on desirer de plus en
vn Prince tres religieux, & tres Chrestien?
Mais ie sens venir ces insensez esprits,
qui esbloüys de leurs phenomenes &
preoccupez de leurs grotesques, imagi-
naires ne peuuent rien voir que par l'a-
strolabe vitié de leur animosité, & de leurs
passions desraisonables. Ils me diront
qu'il à fauorisé, souffert, & maintenu
ceux de la religion pretenduë: qu'il en
à chery, & aduancé aucuns d'iceux aux
premieres charges de ceste Couronne:
qu'il pouoit les aneantir d'auctorité
s'il eust voulu l'entreprendre. Ie m'e-
stonne de ces gloseurs des Roys, &
m'esbays comme ils font si osez que
de s'entremettre de causer de ce qu'ils
n'entendent pas. Ie scay bien que les se-
ctes naisantes on doit les estouffer en leur
berceau, & si autrement ne se peut, y ap-
porter le feu, & le fer, à fin que l'exemple
de peu soit la terreur de plusieurs, & pour
redimer par deux ou trois testes la vie, &

le salut, & la paix de plusieurs peuples, & Royaumes entiers. Ainsi l'ordonnent nos saincts decrets, ainsi les Loix Imperiales mesme, & ciuiles le prescriuent, ainsi la praticque de l'Eglise le porte, ainsi le commande l'Euangile, & S. Paul, ordonnant qu'on oste du milieu des Chrestiens semblables personnes. Mais le party estant desia formé comme est cestuy-cy: & faisant vne bonne partie du Royaume, ie ne trouue aucune Loy, ou prudence, ny humaine, ny diuine, ny experience des siecles, ny aucun iuste subiect pourquoy on doie crier au feu, & au sang. Ce que l'Eglise ne praticqua, & ne conseilla iamais mere douce & misericordieuse, pour auoir semblables entreprises peu d'humanité, & portans plustost avec foy des crises, & des suittes tres dangereuses, & peu Chrestiennes. Je n'ignore d'aillieurs: que chasque chose subsistant par les mesmes qui luy ont donné l'estre, ces sectes infectees de la corruption des siecles, se nourrissent volontiers de corruption, de trouble, & de meffange, ainsi que l'experience deploable du passé nous a fait voir. Il vaut donc mieux leur donner le calme pour leur

leur donner le loysir de se recognoistre, & d'estre recogneus : nous les voyons tous les iours fondre à la paix, comme la neige au Soleil. C'est que la religiō entre toutes autres choses est, & doit estre embrassée avec raison, non avec la force. La grace de Dieu, est douce & tranquille cōme la rosée qui decoule sans bruit sur les coupeaux d'Hermon : le temps cōme la Crocote d'Ægypte mache tout, aussi il digere tout. Le demon qui agitoit Saül ne se chassoit qu'avec la Harpe & l'harmonie du debonnaire Roy Daud : la morsure vnimeuse des Tarantelles en Italie prend allegement au son des instrumens : le grand rocher d'aupres le fleuve Harpasus tousché legerement, & doucement des doigts se tourne souple comme vne giroüette : au contraire il demeure immobile si on y veut apporter plus grand effort : les hommes naturellement libres, & sur tous les François ressemblent à ce rocher, la violence les opiniastre, la douceur les conduit, & les rameine. Toutes les forces du monde n'eussent sceu mouuoir les horribles machines qu'Archimedes avec ses artifices mouuoit du petit doigt : il ne faut

pas cueillir le baufme avec le coufteau, il le faut rompre doucemēt avec la main: le noyer se gaule, l'oliue se cueille avec les doigts Certes on ne fçauroit nier que le feu Roy n'aye apporté toutes les paffions poffibles au bien, & à la reünion de fon estat: or il recognoiffoit, & difoit à tout coup, que le plus puiffant remede qu'il auoit recogneu d'eftablir ſó Royau-
me auoit eſté la douceur, & la Clemence: voycy les meſmes termes dont il ſe fert en ce diuin Edi& qu'il fiſt pour le reünion des premiers chefs de la Ligue; l'an 1596. en Ianuier. DE SORTE QUE NOVS POUVONS DIRE N'AVOIR GVIERE MOINGS AVANCE LA REVNION DE NOS SVBIECTS PAR CLEMENCE QUE PAR NOS ARMES. Or le meſme zele, le meſme artifice, qu'il auoit experimenté le plus puiffant pour eftablir ſa Couronne, il l'a apporté à l'eſtabliſſement de la Religion Catholique. Que pouuoit il faire plus? que pouuoit on attendre autre d'un naturel fort eſloigné du ſang, naturellement adonné, & porté à la bonté, & douceur? Et certes en ceſt endroit il à exprimé encore un trai& de la bonté diuine, qui at-

tend avec patience les pecheurs. *Disſimulans peccata hominum propter pœnitentiam,* Sap. II.
Disſimulant les pechez des hommes pour les attendre à penitence. Faiſt reluire ſon Soleil deſſus les bons, & les mauuais, & pleuuoir egallement ſur les iuſtes, & iniuſtes. C'eſt pource que ce ſont ſes créatures comme l'adiouſte la ſapience: *nihil enim odiſti eorum quæ feciſti, amas enim animas.* Car vous ne hayſſez rien de ce qu'avez faiſt, & cheriſſez les ames. Les ames egarees de la vraye Eglise touchent de plus pres à Dieu qu'à pas vn de nous. Il patiente avec elles, pour les attirer à ſoy amiablement. Noſtre zele doit eſtre meſuré à la reigle ſupreme: & noſtre premier ſoing de penſer à nous & nous ſauuer nous meſme. Il y en a qui ſont ſi zelez & ardans à la conuerſiõ des Huguenots, & ne pēſent à ſe ſauuer eux meſme, ſauue qui pourra, chacun aura à la fin à rendre compte, on en doit laiſſer le ſoing aux ſuperieurs ſpirituels, & temporels, qui y apporteront touſiours la diſcretion qui y eſt neceſſaire comme ceux qui en doiuent rendre compte à Dieu. S'ils veulent volontairement perir en la nouueauté, & vanité de leur religion, il touche à

eux plus qu'à nous. Faisons de nostre part ce qui est en nous: la vie exemplaire, la douceur de la conuersation, proffitent plus d'ordinaire enuers les esprits obstinez, que toutes les rigueurs du monde. Je ne parle pas de mon inuention, c'est la reigle que nous dōne Saint Pierre Prince des Apostres. *Conuersans saintement & avec bonté parmy les gentils, afin qu'au lieu qu'ils detractent de vous, comme de malfai-cteurs considerans vos œuures ils glorifient Dieu, au iour de sa uisitation,* à sçauoir lors qu'il luy plaira de les esclairer, & de les conuertir. Il parloit mesme des Idolâtres, qui ne nous sont rien, combien plus de nos concitoyens qui hument le mesme air avec nous? viuent necessairement avec nous, qui estâs sujets du Roy cōme nous, veullent-ils ou non: c'est à dire ses enfans cōme nous, doiuent estre vne partie de son soin paternel, & de sa prouidence bien reglee? C'est assez à vn bon Roy Catholique, sur tout qui porte le nom de tres-Chrestien pour le zele qu'il doit à la vraye & vnique religion, à la feuereté de sa cōscience, & à la gloire du Dieu qu'il adore, & qui demande aussi bien compte aux Roys de leurs actions, com-

me aux autres: premierement de faire en toutes choses distinction, de la vraye & ancienne Religion, avec l'errante, & la nouvelle: se souuenant que la Catholique est l'enfant legitime de la couche nuptiale de Sara, la où la pretendue n'est que la bastarde de la seruante Agar: & partant que celle-la comme l'heritiere de la grace Euangelique doit estre precipuee, & priuilegee en toutes choses, & maintenue eu ses droicts inmemoriaux de tous les siecles; la ou ceste-cy ne doit subsister que par soufrance, & tolerance; par pitié, & pour le desir de la sauuer avec douceur, & par voyes paternelles, & raisonnables, cōme pere cōmun, avec affection neantmoins de pere, puisque Dieu, mesme se daigna de faire sortir miraculeusemēt vne fontaine pour subuenir à la soif du bastard Ismaël, & de sa mere Agar. De la aduiendra que comme Prince il reprimera les faillies des seditionieux, & broüillons qui ne manquent jamais en ces nouuelles desfroutes, & les contiendra par la rigueur de ses Edicts & comme Pere maintiendra le reste du party le plus souple, & le plus obeissant aux loix cōmunes du Royaume. On me dira

Daniel.
14.

que ceste cōuersion si familiere du party contraire, pouroit avec le temps peruer-
tir les Catholiques ; & ie me rangeray à ce coup du costé del'Ange de Perse qui combattoit contre l'Ange des Hebreux voulant cestuy-cy qu'ils sortissent de la captiuité de peur qu'ils n'y fussent peruertis par les idolatres , au contraire ne voulant celuy la le leur permettre , afin que les persās desquels il auoit chage se cōuertissent par la hantise des Hebreux. L'experience passée & presente est vne maistresse trefassuree : tout le temps de ceste longue paix nous n'en auons veu vn seul Catholique de marque, qui se soit rangé de leur costé, si ce n'est peut estre, par quelques despit trefeuidēt, ou autre disgrâce, qui auroit assez descouuert leur mauuaise intention : Et encore sont ils si clair femez que nous auons occasiō d'en rendre graces à Dieu, la ou le nombre est presque incroyable de ceux qui ont quitté le nouveau party pour se ioindre à nous de tous estats , & de toutes qualitez : & ils se contentent desormais de quelque Moyne , ou Prestre defroqué qui sont les cloaques ordinaires de nostre Eglise ; ou de quelques idiots , qu'ils

rencontrent à l'escart, avec quelque appas de libertinage. Tant y à que ce n'est plus de ce costé la que nous auons à craindre, & en deuons plutoist esperer du gain, & de l'aduantage, & demander à Dieu par prieres vrgentes de vouloir continuer ses celestes benedictions sur ces pauures ames esgarees rachetees de son sang, & vrays obiects de sa pitié, & misericorde, ouyda. Mais le Roy les aduançoit par trop, & plus haut que plusieurs des enfans legitimes. Il n'est pas à dire qu'en vne contraire religion il ne s'y trouue tousiours quelque esprit excellent, & releué par dessus tous les autres, bons, & fidelles naturels, qui estans bien mesnagez peuuent estre tref-vtiles à l'estat. Le tref-pieux & tref-Catholique Empereur Iustinian se seruit pour le Code, & le Digeste grand chef-d'œuvre de l'esprit humain de personnages non seulement idolatres, mais moralement peruers, & corrompus pour les auoir recogneus propres à cela. Valentinian se seruit pour vice Roy au Milanois de Saint Ambroise qui n'estoit encore baptizé, & qui conuerty du despuis feust Euesque du lieu, & est vn grād

Sainct en Paradis, si tout le monde n'auoit recogneu en ceux que le Roy à le plus aduancé des grandes, & Heroïques qualitez surpassantes le commun, & tres-propres pour les charges, qu'il leur commetoit, on eust peu soubçonner que c'eust esté de quelques particuliere passion a ce party; mais l'euenement & le succez nous à fait croire qu'il les auoit recogneus tres-fidelles, & tres-necessaires a son seruice. Ioint que les desseins de ce Monarque estoient tresgrands, & ne doiuent estre prophanez au vulgaire. Il se faut seulement souuenir de ce qu'auons tantost dict, que c'est vn grand ouurage de prudence de sçauoir apriuoiser les Lions, & les dangereuses testes d'un estat: ce sont autant de victoires gaignees sans combattre, & se faire autant d'amis d'autant d'ennemis. Et pour n'entrer au sacraire des autres plus secretes intentions de ce Roy Tres-chrestien, lesquelles visoient toutes à la gloire de Dieu, certes son premier & principal dessein a les proumouoir a ces hauts degrez, estoit de les gagner a la foy avec le temps: dequoy nous ne pouuons douter avec raison, apres auoir veu les grands efforts qu'il a faicts a ranger a

ce

ce deuoir Monsieur de Sully le plus signalé, & qualifié de tous ceux la : Et si l'affaire n'eust despendu que de la & non des iugemens ocultes de Dieu, qui sont terribles & reformidables, peut estre eussions nous iouy du fruit de ces grandes poursuittes Royales a l'aquisition de ce rare esprit tres-fidelle a la fleur de Lis, capable par sa conuersion de resiouir toute la Chrestienté, de rallier vne bonne partie de ce Royaume, & seruir avec admiration des siecles a venir sa Majesté tres-Chrestienne : & lequel sans doute ne pouuât dementir son extractiō, a de grandes inclinations naturelles, & de grandes capacitez a la religiō Catholique. Que diriez vous de la temerité d'aucuns, qu'on a encore voulu mettre sur le trottoir les desseins derniers de la guerre d'Allemagne pour discourir avec demonstrations mathematiques des plus secretes resolutions du cabinet ? Les vns les plus estropiez de sens nous en ont voulu faire vne guerre Troyenne, foibles esprits, & cerueaux demontez, comme si on pouuoit ignorer que long temps auparauant l'occasion de ce pretexte, le secours

de Claues estoit conclu & decreté; nous nous mocquions & rions de ceux cy de les voir s'amuser comme le gibier au badinage, & estions bien aises de couourir de meilleurs desseins sous ces morelques de teste: les pensees de ce grand Roy estoient bien plus hautes: mais c'est vn sanctuaire ou ie n'entre pas: & n'est pas à faire aux mouches, ni aux chiens d'entrer dans le temple d'Hercules. Certes le Roy, Prince le plus candide de la terre, fit paroistre assez de sa bonne intention par les lettres qu'il en escriuit à l'Archiduc, & au Roy d'Espagne quelque quinze iours seulement avant sa mort, se descourant à eux avec toute naïfueté pour leur enleuer toute sorte d'ombrage, & ne veux autre iustification que celle la tiree de l'oracle de sa bouche Royale: Dautres non guieres moins eshontez que ceux là, s'allarmoient de ce que le secours se donnoit à l'Heretique au detriment de la foy Catholique; à quoy il suffit de dire avec protestation sollemnelle de ce que ie sçay, que iamais ce n'a esté l'intention du feu Roy de soustenir l'heresie, ains de

maintenir tout à fait la religion Catholique parmy l'effort d'une guerre sanglante; & neantmoins cependant assister ses allies à repeter l'heritage qu'il croyoit leur estre iustement aduenue, en quoy sa Majesté proceda si equitablement qu'auant que de se resoudre tout à fait à la guerre, non contente de l'aduis de son conseil, elle fit assembler les plus doctes Theologiens, plus celebres en vertu, & autres des plus iudicieux, & grands Prelats du Royaume, pour sçauoir d'eux si la guerre estoit iuste, ce que personne ne reuoqua en doute estant du droit des gens d'assister son confederé, & la cause n'estant que de la succession d'un heritage, estant par accident, & au dela de l'intention du Roy, que le party cōfederé fut de religio contraire: veu mesmement qu'apres les protestations que sa Majesté en auoit faites aux Princes Catholiques d'Allemagne par monsieur de Boyssise son Ambassadeur, on ne pouuoit douter que le tout ne deust reüssir au bien de la religion Catholique, & est vray que mesme pour le iourd'huy les protestans

se tiennent à la promesse qu'ils luy auoient faicte, de vouloir desormais permettre toute liberté aux Catholiques aux terres de Conteste, ce qu'autrement ils n'eussent iamais faict : & eut la seule presence du Roy plus aduantagé le party des Catholiques qu'il n'a peut estre iamais encore esté en toute l'Allemagne, Je n'ay eu la crainte de vous estre ennuyeux estant le sujet de tres-grande consequence, tant pour sa memoire, que pour la gloire de Dieu, & pour la descharge de ma conscience, & le deuoir du seruice que ie dois à mon Prince.

Ce sont à mon aduis les sources du siecle d'or que nous auoit apporté le regne de HENRY LE GRAND & de la felicité que toute la posterité admirera en luy : Asseurement Dieu l'auoit regardé comme son enfant, & son vif portraict, d'un autre œil que les autres; car aussi le Soleil void d'un autre aspect Iupiter que Saturne, & l'auoit mis à part pour en faire vn miracle de nature si qu'il sembloit estre le seul fauory, & le mignon de la diuine prouidence, que les idiots

appellent la Fortune, & s'il est loisible encore de retenir le nom volage de Fortune avec les poëtes, il sembloit tout à fait qu'elle eut choisi ce Roy non seulement pour amy, ains pour mary: tousiours incôstante & glissante, horsmis à le cherir, pour luy seul elle auoit contraint son naturel, & s'estoit comme forcee elle mesme pour luy estre agreable. Il dormoit en sô giro, reposoit en son sein, se dorloit entre ses bras, & ioüyssoit à pleine voiles de ses delices. Quelque part qu'il allast elle suiuiot tousiours comme son ombre, tout luy obeyssoit, tout le regardoit, vn autre Polycrate de ce monde, à qui la fortune ne fit iamais que rire, fol-lastrant iour & nuict avec luy. Le Soleil ne sembloit se leuer que pour luy, le salüoit le premier, & luy portoit le doux soufrire iournalier comme iadis à la statuë de Memnon, le cher fils de *dionisius* l'Aurore. La terre qui amoureuxment *Afer.* l'aymoit, n'exhaloit que pour luy des roses, des violettes, & des lys. Pour comble de tout bon heur ceste passionnee & transportee Fortune le maria à l'immortalité luy donnant la Pandore la plus riche de ses ioyaux, qui se trouuaist

sur la terre, pour fidelle compagne de sa couche royalle MARIE DE MEDICIS, l'abbregé de toutes les perfectiōs Royales, qui en deux lustres d'annees a eternisé le sang Royal de six precieux fleurons de la fleur de Lys, enfans de la providence diuine plus que de leur mere, desquels l'aisné Daulphin, touche desia le Ciel de son Royal diadème, fécondité heureuse, laquelle ainsi que l'Arion nous a non seulement presagé, mais apporté le calme, & la bonace, estant accouchee de la concorde du Royaume, aussi tost comme de son aisné nostre petit Theodose, & nostre ieune S. Louys: resplendissante Lune, laquelle regardée amoureusement de ce Soleil, en la plenitude de sa vertu, est entree en conjunction de sa lumiere avecques la sienne, d'ou ont esté produicts six beaux rayons, qui doiuent estre vn jour tres-agreables à la France, & qui illustreront toute la Chrestienté. Diuine poule blanche que ce grand Aigle laissa tomber au sein del'Imperatrice Liuia, tenant vn laurier en son bec, dont la touffe seruit puis apres au seul couronnement des Empereurs: tres-belle & diuine Princef-

se la plus chaste, & inuiolable del'Vni-
uers, qui nous a apporté autant de lau-
riers que d'enfans, & autant de prof-
peritez que de couches, vraye Biche
menale aux cornes d'or, au collier de
Topaze prinse & conduicte par le vail-
lant Hercules pour le soulas de la Fran-
ce, & pour la fermeté de la foy Catho-
lique: mais que voulez vous que ie fasse,
la memoire de ceste mere & de ses en-
fans, me fend derechef, & me trouble
le cœur, & font que ie ne puis penser
n'y à la mere vefue, n'y aux enfans
orphelins sans fondre tout en pleurs: qui
faiët que ie les passe, & ne pousse d'auan-
tage à ce discours pour ne faire nauфра-
ge en ce port de mes larmes.

CAR ce fut au millieu de ceste grande
fortune, en ceste haute mer de l'infiny
de ses prosperitez, en la plus profonde
bonace de l'accomplissement de ses de-
sirs, que tout à coup ce Soleil fut ecclyp-
sé à la nature humaine par la plus puante
exhalaison qui euapora iamais des plus
infectes cloaques & fôdrieres de la terre.
Helas grand Dieu! faut il que ie passe par
ma bouche & que ie porte aux oreilles
de ce pauvre peuple esperdu, & desia ac-

III.

Les
circon-
stances
de la fu-
neste
mort du
Roy.

cablé ces horribles catastrophes aduenues en la personne de ceste merueille de nature, suffisante de me faire pasmer sur le champ de douleur & d'extrême detresse? miserable que ie suys faut il que d'une mesme bouche comme le Satyre ie souffle le chaut, & le froid! la felicité & l'infortune! la diuinité & l'humanité! la gloire, & l'opprobre! la ioye, & la tristesse! la vie, & la mort? Ah Dieu du Ciel! qu'est ce que c'est que ceste vie. Que de naufrages menassent ceste triste, & dangereuse nauigation. Lors mesme du grād calme, voyla nostre pauvre caraque à fonds: tout comme on le disoit des vaisseaux qui passoient les escueils Capharees lesquels estans en haute mer, le vent en poupe, iouïssans pleinement de la bonace, se brisoient en vn moment, & dispa-roissent apres les destours d'agereux de ces effroyables promontoires. Triste, mais notable pensée de Tertullian, qui me saylit d'estonnement, & me remplit d'horreur. *Vis est illa nauigij cum longè à Caphareis saxis nullis depugnata turbinibus, nullis quassata decumanis, adulante flatu, labente cursu, latante comitatu, intestino repente percussu cum tota securitate desidunt; non secus.*

Tertull.
lib. de
anima.

secus naufragia sunt vita, & tranquille mortis euentus, C'est le propre des vaisseaux, qui ont passé les rochers Capharées : apres le danger, n'estans agitez d'aucun, tourbillon, ny molestez d'aucun vent, voyre le doux Zephire les flattant en poupe vogans, & coulans tout à l'ayse, la brigade chantant, & s'esioüyssant, de se briser, & se fondre à l'instant, par un coup intestin, & inespéré de mer au milieu de leur plus grande seurté. Tels sont les naufrages de ceste vie; & les soudains euenemens d'une tranquille mort. Et Philon le Iuif encore mieux, & toudchant plus viuement à nostre subiect. Auant l'Empire des Lacedemoniens, la felicité des Perses auoit esté illustre, mais vne seule iournee mit fin à vn si grand Empire : la puissance des Aegyptiens à esté magnifique, & tres-ample; mais elle s'est enanoüie comme la nuée. Quoy les Aethiopiens? quoy Carthage? quoy toute l'Afrique? quoy les Roys du Pont? quoy l'Europe, & l'Asie, & pour abbreger toute la terre habitable? n'a elle point les vents tantost prosperes; tantost contraires comme vn nauire agité de toutes parts des vagues de la mer? & puis conclud la somme de son dire. Nihil igitur est in humanis rebus præter umbram, auramque leuissimam sine mora præteruolantem : eunt

*enim ultro, citroque tanquam aestuaria. Il ny à donc rien en toutes les choses humaines qu'une ombre, & un bien petit vent, qui passe & s'enuole viftement : car elles s'en vont de ça, & de là comme les vagues. Prenons garde à tout ce qui est de plus beau, de plus doux, de plus grand, & de plus prié au monde, tout se perd, & s'engoufre en ceste mer. Ou sont les Arcs triumpaux, les Statuës, les Trophées, les Colonnes, les Termes, les Pyramides, Temples, Colisees, Mausolees, Colosses, d'excessiue grandeur : les villes de Ierusalem, Ecbatane, Babilone, Troye, Carthage, Ninie? les doctes Socrate, Platon, Aristote, Varron? les Riches Cræsus, Crassus, Cyrus, Salomon? les vaillans Samsons, Césars, Pompees, Alexandres? les belles, Helene, Susanne, Iudith, Rebecca? les saincts Abraham, Moysé, Dauid? les Montagnes bon Dieu! sont aplanies, les brasiers eternels de Vefuue esteints, les mers dessechees les riuieres desplacees, *Non tantum manufacta labuntur, iuga montium diffluunt totæ desidere regiones, ipsius nature opera vexantur. Hac unum scio omnia mortalium opera mortalitate damnata sunt: interperitura viuimus.* C'est*

le sage Seneque qui console Liberal Citoyen de Lyon, sur l'embrasement de la ville de Lyon, qui fut toute bruslee en vne nuit, par le feu du Ciel, si qu'au matin on ne voyoit aucun vestige de ceste grand' ville, & ce au mylieu d'une tres-belle paix. *Quis hoc credat? ubique armis quiescentibus cum toto orbe terrarum diffusa securitas sit, Lugdunum quod ostendebatur in Gallia, quaritur; in hac una nox interfuit inter urbem maximam & nullam. Longam moram dedit malis properantibus qui diem dixit, horam momentumque temporis euertendis imperiis sufficere. Qui le croyroit? tout le monde estant par tout en paix, & la seurté espandue par toute la terre: on cherche Lyon en France, qui se voyoit en France: là il n'y a eu qu'une nuit entre une ville tres-grande, & point de ville. C'est donner un long espace aux malheurs de dire qu'il ne faut qu'un iour, ou une heure, ou un moment pour renuerser les Empires. Mais qui pourroit le croire? Quis hoc credat? Qui le croyroit iamais que HENRY LE GRAND soit mort? mort au mylieu de la paix, & de la felicité? mort de mort violente? mort en un petit instant, si bien qu'il n'y a eu qu'une petite nuit entre un tres-grand Roy, &*

point de Roy ? entre vn grand triomphe, & vn horrible defastre ? entre vne solemnelle allegresse de tout le Royau-
me, & l'estrange tristesse de toute l'Eu-
rope, entre le Coronnement de la Roy-
ne, & la mort du Roy ? *Quis hoc credat?*
Helas ! qui le croyra ? H E N R Y L E
G R A N D est mort : avecque luy tout
est mort. H E N R Y est mort, l'humani-
té est morte, morte la noblesse, les
richesses mortes, la puissance & la vail-
lance morte, la victoire & le triom-
phe mort, la pieté Tres-Chrestienne
morte. H E N R Y L E G R A N D est
mort ; il ne nous parle plus ; il ne
nous console plus ; il ne se promei-
ne plus en sa gallerie doree de son Lou-
ure, on ne le rencontre plus en ses bel-
les Tuilleries, ce n'est plus luy, qui re-
sioüyt la France, il s'est esuanoüy helas !
soudainement de noz yeux. Mais vous
pleurez desja Messieurs hé ! vous pleu-
rez. Attendez s'il vous plaist, vn peu de
patience, ne m'accablez si tost de voz tri-
stes regrets. L'humanité est morte, il ne
remüe plus, ce visage riant, ceste belle &
venerable vieillesse chenuë d'experiëce,
ce braue corps remply de Maiesté, s'en va

reduit en cendre. Les richesses, & les grandeurs sont mortes, le plus puissant Monarque du monde, le plus riche Prince de l'Vniuers. se contente d'un drap, pour tout heritage, du cercueil pour domaine, du tombeau, pour son Louure, de la dure pour liêt Royal, la valeur, & la force est morte; ce bras invincible est estreint du suaire, ce grand Alexandre gist abbatu sous la lame mortelle, HENRY ne conduict plus les puissantes armées, ce n'est pas luy, ce n'est que sa statuë, & son ombre. Le victorieux & triomphant est mort, ie voys les funestes Cypres, pour les Lauriers verdoyans, les bieres, pour les chars triomphaux, les souspirs & les pleurs pour les chants & pour les acclamations triomphales. Le Roy de France est mort voyla la fleur de Lys pour vn temps fenée, pour reuiure incontinent, en sa racine, voyla le Manteau Royal changé en drap mortuaire, le Throne en monumēt, le Diadème en suaire, l'Authorité supreme en l'obeyssance commune de la nature. Le Tres-Chrestien est mort, ie voy au tour de luy les exeques funebres, les plaintes

del'Eglise, les larmes du grand Pontife, les souspirs du Royaume, les regrets de la Chrestienté. Auec HENRY LE GRAND les delices du monde, la vanité de la vie, les faueurs des humains, la sâté accôplie, la beauté tref-parfaicte, la force inuincible se trouuent enterreés. Il est mort, mais hélas ! comme mort ? Mais voulez vous (messieurs) que ie meure moy mesme en vous ramenteuant cest horrible spectacle ? Ah que ne suis-je mort plustost que de renouueller à ce coup toutes les detresses meurtrieres de mō ame ? toutes les amertumes de vostre cœur pauvre peuple ? toutes les horribles passiōs de tō ressentiment, ô pauvre, ô explorée, ô vefue, ô Orfeline France, non non Messieurs, ie ne le puis, ie ne le veux, ie ne le feray pas. Moy moy ? que i'aye le cœur d'acier, la poitrine de marbre, le courage de bronze, de pouuoir supportervoir la seule memoire de l'attentat du parricide le plus detestable, & le plus barbare qui se passa iamais en la plus chaude fureur des Mammelus, & des Cannibales ? Que ie passe par ma bouche & influë à vos oreilles le nom du parricide enragé ? nom reseruë cy apres aux informes

auortemens de Proserpine, & de la fatale Parque? nom dedié desormais aux caracteres les plus hideux des forciers, des masques, & des Fées? Le scelerat premier né de Beelzebut? la gangrene, & le châtre de la nature humaine? l'escume, & l'apostume des infernaux bouillons des furies bourrellés? l'anatheme degradé du Christianisme? la vermine la puanteur, le desdain effroiable de nostre natiõ? Satellite de mort? Satrape des enfers? auorton desesperé & enuenimé de tous les diables? lequel boursoufflé d'une bourrasque de rage, enflammé de tous les souffres, & salpetres Stigiens, leue la main sanguinaire, & le cousteau forgé a la trempe de tous les Cyclopes du Tartare contre l'oinct du Seigneur, Ah! Pirate, Corsaire, Barbare, que fais tu. Il inceste, & profane ce siecle du plus abominable forfait qui empesta iamais ceste vie commune. Ah! pauvre Peuple vous pleurez. vous me fendez le cœur, & m'abbatez les forces. Pourquoi ne voulez vous que ie pleure à ma part? Tenez, prenez, receuez ces miennes larmes reciproques, pour toute catastrophe de ce lamentable discours. Je n'en puis plus, ie vous le

confesse, le cuer me saigne, le courage me manque, le soufle me défaut, la memoire me delaisse, la raison m'abandonne, la tristesse m'accable, la patience m'eschappe, la voix ne me sert plus. Cà pleurons maintenant, souspirons tout à l'aise, laschons les renes retenuës par force a nos iustes douleurs : mettons la voile à cest Agamennon pere d'Iphigenie, puisque le pinceau n'y peut arriuer, protestons à l'exemple de Timanthe le nullité de nostre art sous le cresp d'vn raisonnable silence, laissons penser à la posterité ce que l'horreur & l'impossibilité de mes forces ne me peuuët permettre, enseuellissons cest acte au moins, en le taisant bannissons le de noz cœurs & de nos souuenāces en son exil, de la plus inhumaine barbarie de la terre habitable. Ah ! mon pauvre Prince ! ah mon Roy ! ah mon tout ! vous que cent mille canonades auoient respecté ? vous que toutes les gresles, & affreuses tempestes des mousquetades guerrieres auoient espargné ? vous que cent batailles, mille rencontres de guerre, vn monde infini de hazards oncques n'auoient osé tant seulement attaquer ? vous le plus debonnaire de la Chrestienté ?

Chrestienté? vous esloigné du meutre, & du sang, plus que tous les Princes de la terre? vous le Dauid de nostre fleur de Lys? vous le Salomon pacifique de cest estat? vous l'Auguste de ce Sceptre? vous la merueille du monde? Ah! ie me rends bon peuple, ie me rends. Laissez moy, taisez vous. Que ie passe, & coule vistemment, & à demy-voix ce qui me reste de ma derniere pensee.

Le Roy se sentât blessé pour ses derniers propos, LE SVIS BLESSE' dit-il, MAIS CE NE SERA RIEN? il veut mourir avec sa bien-seance guerriere, semblable en toutes choses à vn Iules Cesar qui étant poignardé au milieu du senat *Collecta manibus toga honestè cadere studuit* print garde de mourir, & de choir decément. La bien-seance de HENRY LE GRAND estoit d'estre sans peur, & de ne sçauoir riē caindre. Ce fut sa derniere voix brauant les derniers efforts de la mort. Poltronne, craintiue, casaniere mort, qui n'auoys iamais osé attaquer de front ce Monarque que tu redoutois plus qu'il ne te craignoit. Il t'a fallu l'assallir en cachette, par derriere à l'impro- uiste creignant la maiesté martialle de so

Suetone.

Πολύτι

πρόσταυ

εὐχόμενος

χίμας

πρόσθι.

aspect majestueux Vah! méprisable à jamais, & contemptible Parque, qui n'as nulle valeur qu'en tes surprises, & en tes embusches. HENRY LE GRAND malgré toy meurt avec la gloire de n'avoir jamais esté attaqué de toy que par trahison, & hors de defense, en carrosse desarmé, n'ayant dequoy se craindre de toy, sans défi, sans cartel, sans appareil de vaillance. Il en avoit eu aduis le mesme iour, par Monsieur de Vendosme, avoit esté menassé de ce tresfuneste quatorzième, aussi bien que Iules Cesar, avoit esté de sa femme Calpurnia, & par des billets expres entrant au Senat lieu de sa boucherie. HENRY, LE GRAND se mocque de tout cela, l'ëuoie ses gardes à l'heure mesme, met toute sa confiance en Dieu seul; le prie extraordinairement sortant pour la dernière fois de son Louvre, ce que par trois fois il avoit, encore fait par instinct divin la nuit precedente. La dessus il meurt, tombe entre les bras de Monsieur le Duc d'Espernon, ton bon Gouverneur, ô pauvre Peuple Messin. Heureux trois fois heureux par dessus tous les grands Seigneurs renommez Guerriers de ce

Royaume d'auoir receu entre ses bras, & le sang, & l'esprit de son Roy, auoir fermé les yeux à son bon Prince, office le dernier de l'enfant à son Pere, de l'espouse à l'espoux. tresillustre, & tresfortunée maison de la Vallette, venerable à toute la posterité pour auoir receu telles arres de l'affection du plus grand de tes Roys, de ton inuiolable fidelité enuers leur Couronne; obligation reciproque de defendre leur Sceptre & leur vie; au pris, & au hazard de ton sang genereux, puis qu'il t'ont donné, & legué le leur desormais comme hereditaire. Et ce feust sur le champ que Monsieur d'Espernon, sans s'estonner, ou s'esbranler de ce cas si inopiné mit dextremēt ordre à tous les endroicts les plus dangereux de la ville de Paris distribuant le regiment des gardes ou il estoit de besoin. Le Parlement s'assemble à la mesme heure, declare à la requisition de Monsieur le Procureur General, la Royne Regente pendant le bas aage du Roy son fils, avec toute puissance, & autorité. tout ce grand monde-ville ainsi policé, & rangé plus par miracle du Ciel, que par prudence hu-

maine, tous les Princes , & grands Seigneurs accourēt à la Roynne se iettans à ses pieds, & luy offrans leur vies ? Ceste incomparable Princeſſe apres les premiers confortſ donnez à la nature faiſt iouïr la raiſon ; entre au ſoin public ; ſubiugue la paſſion naturelle , ſoulee des larmes , conſole ceux qui viennent la conſoler ; leur maintient que le Roy n'eſt pas mort, & avec ceſte contenance pluſque maſle, & guerriere rapporte d'elle meſme vne viſtoire comparable à la plus grâde bataille gaignee par ſon mary ; ſe met avec les Princes, & le Cōſeil a cōſulter des moyēs de pouruoir à la ſeurté du Royaume. Le l'endemain matin accompagnée de tous les Princes , Seigneurs , Prelats , & Officiers de la Couronne , eſt declaree , par le Roy ſeant en ſon liēt de Juſtice, Regēte en ſon bas âge, en face du Parlement , affligé & fondant tout en larmes ; on crie de toutes parts **V I V E L E R O Y** , les voix triumphales retentiſſans peſle meſle avec les ſanglots funebres de tout ce grand peuple. Tous les eſprits diſcordans s'vniffent au ſeruice du Roy, ceux de la Religion pretendue meſme, partout le Royaume ſont

debuoir d'obeissance , & de souplesse. Beaucoup plus toutes les villes , bourgades , & villages Catholiques se rallient , & se concertent premièrement à pleurer , & quant , & quand à tourner les yeux vers leur astre leuant. Ia la France n'est plus qu'un theatre de deuil , & un Colisee de merueilles ; mon ame cependât un abisme profond d'une estrange detresse , mes yeux deux sources de larmes , mes discours des deuoyments de mes cuifantes passions . *Idcirco ego plorans ; & oculus meus deducens aquas. quia longè factus est à me consolator.* C'est pourquoy ie me lamente , & ie pleure , & iette de mes yeux abondance de larmes pour ce que celui qui me souloit consoler est estoigné de moy. Ah mon Prince, ô les regrets irremediabiles de mon ame , qui vous à rauy de mes yeux si subitement? ou estes vous l'incomparable des Roys? qu'estes vous deuenue l'object de nostre gloire, fondateur de nostre paix, restaurateur de nos esperâces? ce feust vo⁹ qui me receutes amiablemēt, m'embrassastes liberalement, m'assistastes Royalement , m'encourageastes puissamment , me consolastes gracieusement en mon affliction,

ô heureuse affliction puisqu'elle deuoit estre allegée par vne si diuine clemence. Ce fut vous qui me receustes sous vostre protection Royale contre les iniques efforts de mes ennemis , inexplicable faueur de me veoir vne petite parcelle du soing du plus grand Monarque de la Terre. Tous ont perdu en vous, mais i'ay perdu plus que tous ; tout le Royaume est nauré , mais ie me sens poignardé, & meurtry iusqu'aux fonds de mô ame. Qui m'encouragera désormais en mes trauaux? qui me supportera en mes trauerſes? qui aggreera mes pauures petis ſeruices? *Doleo ſuper te Ionatha decore nimis, & amabilis ſuper amorem mulierum; ſicut mater unicum amat filium ſuum, ita ego te diligebam.* Adieu la merueille des Roys; Adieu la beauté de nos Lys; Adieu la gloire des François; Adieu le luſtre de la nobleſſe; Adieu la terreur de l'Europe; Adieu le ſouſtien de la Chreſtienté; Adieu l'ornement des armées; Adieu les delices du peuple; Adieu le pere de la patrie; Adieu l'auteur de la paix; Adieu le reſtauteur de l'eſtat; Adieu le fondateur du repos; Adieu la perle du monde; Adieu le So-

leil de nostre Ciel; Adieu le foudre de nos batailles; Adieu le centre de nostre monde; Adieu le Neptune de nos vagues; Adieu le gouuernail de nostre vaisseau; Adieu le frontispice de nos Louures; Adieu le bouleuart de nos villes; Adieu le Brillant de nostre front; Adieu la Lumiere de nos yeux; Adieu le Miracle de nos siecles; Adieu le Mignon de Mars; Adieu le Protecteur des Muses; Adieu la Bouffolle de la Iustice, Adieu l'Archetype de Clemence, Adieu le Chef-d'œuvre de vaillance, Adieu la Touffe de nos lauriers, Adieu la Pepiniere de nos palmes, Adieu mon Conso-lateur, Adieu mon Protecteur, Adieu mon bien-facteur, Adieu mon Maistre, Adieu mon pauvre Prince, Adieu mon grand Roy, Adieu H E N R Y, H E N R Y. Adieu. Saizy de passion, & de compas-sion, d'amour, & de reuerence enuers vous, ie vous verse ce tesmoignage de mes larmes, ie me lamente, & me pleins sans espoir de remede, & me lamentant ie vous benis, & vous benissant ie prie le Dieu viuant que la rosee du Ciel refri-gere abondamment vostre ame, que vo-stre esprit germant de mille graces en

l'eternité soit plantureusement & eternellement arrosé de la beatitude interminable : que les roses, & les Lys germent à perpetuité sur vostre tombeau: que le baume, que l'ambre, & la ciuette enbaufment iuſqu'au dernier reſueil les reliques de vos oz, ô belle! ô genereuſe! ô vrayement Royale, & pretieuſe ame, qui as eſté l'organe de tant de biens à la France, de tant de benediſtiōs à la Chreſtiēté, de tāt de merueilles à l'Europe, de tāt de cōſolations à mō cœur, que iouyr puiſſes tu de la guirlāde de l'immortalité au lieu des lauriers paſſagers de ceſte miſerable vie; de l'eternelle lumiere beatifique pour les eſclairs eſuanoüiſſās de ceſte gloire terreſtre: vueille le grād dieu eſpandre ſur toy autant de benediſtiōs qu'il en donna en la creation du mōde à toute la nature crée. Les benediſtiōs d'Abraham, d'Iſaac, & de Iacob; benediſtiōs des douze Patriarches; benediſtiōs comme le champ odorant, & eſmaillé de toutes ſortes de fleurs, comme d'une fontaine touſiours ialiffante, qui ne tarit iamais: Benediſtiō d'arroiement d'en haut; benediſtiō d'arroiement d'en bas, benediſtiō à l'eſprit, benediſtiō au corps

Benedi-

85
benedictions auffy infinies que toute la
Chreſtiété t'en doit, que toute l'Europe
t'en ſouhaitte, que tout ce Royaume t'en
donne, que mon ame en peut penſer;
& en peut deſirer ſe reflexant ſur elle
meſmès, & en elle meſme en l'éternité
des eternitez. Benediſtiōs du Pere eter-
nel beniffant ſon image de toute l'eſten-
due de ſa toute-puiſſance, benediſtiōs
du Fils Verbe fait chair avec toute l'effi-
cace de ſa Croix & de ſon pretieux ſang
beniffant le fils premierné de l'Egliſe, be-
nediſtiōs du Sainct Eſprit de toute la
portee de ſa bonté inexpuifable, & de
ſes graces infinies, beniffant la plus gran-
de bonté, & la plus rare clemence, qui
onques aye porté ceſte coronne. Ainſy
ſoit il.

Extraict du Priuilege.

PA R Grace & priuilege du Roy, il est permis à Sebastien Cramoisy, Libraire iuré en l'Vniuersité de Paris, d'imprimer, ou faire imprimer, vn discours intitulé, *Harangue Funebre*, de HENRY LE GRAND quatriéme de ce nom, tres-inuincible & incomparable Roy de France & de Nauarre, d'eternelle memoire: faicte & prononcee en l'Eglise Cathedrale de Mets, par M. André Valladier, Docteur en Theologie, Protonotaire Apostolique, Conseiller, Aumosnier & Predicateur ordinaire de sa Majesté, & Vicaire general de Monsieur le Cardinal de Giury, en l'Euesché dudit Mets: & sont faictes deffences à tous Libraires, Imprimeurs & autres de quelque qualité & condition qu'ils soyent, de l'imprimer, ou faire imprimer vendre ny debiter separee ou cōjointe avec d'autres oraisons, ou harangues, de ce mesme sujet, si ce n'est del'impression dudit Cramoisy, & sans la permission, durant le temps de six ans entiers, à compter du iour de la premiere impression, sur peine de confiscation des exemplaires, qui seront d'autre impression, & d'amende arbitraire, voulāt à ceste fin sa Majesté (à ce qu'aucun n'en pretende cause d'ignorance. Qu'en faisant incerer l'extraict dudit priuilege au commencement ou à la fin, dudit discours, il

86
soit tenu pour signifié à tous, ainsi que plus
au long le contiennent les lettres d'iceluy
priuilege. Surce données à Paris, le douzié-
me Iuillet, l'an de grace mil six cens dix. Et
du regne de sa Majesté le premier. Signees,]

PAR LE ROY EN SON CONSEIL.

PASTOUREL.

Et scelees sur simple queue, du grand
seel en cire iaune.

1. Les personnes qui ont été
 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838.

ТАБЛИЦА ПОЗ И УДАЛЕНИЯ

1997

1997-1998















